



索林雜俎
三

中集

藁林雜俎

名勝

黃河

河南北諸水源渟而暴漲每遇發時浪高數丈排山倒岳杠梁舟楫皆不易施然其淺可立而待也故俗以徒涉為便許松臯謂孟子不知子產乘輿之事亦有理

陸儼山外集

九河

保定地卑水自西北來者九曰蘆溝橋拒馬夾河琉璃胡良桑乾烏

塩

八

流白澗白溝是為北九河非禹疏九河也從雄縣而下匯于毛兒灣

運河

鎮江至杭州運河相傳隋煬帝鑿濟寧楊士聰游武進戚墅堰讀遺碑戚墅支河自六朝已有之此言必有所據夫使運道未通而先有支河此涓者將安所歸則知自古而非自隋始也或因而濬之耳見玉堂薈記中愚按夫堯鑿邗溝以通江淮能致力江北豈常近地獨不通舟楫耶攻楚攻齊轉餉一二千石非陸輓可為夫差時無疑

鹽池

解州鹽池蚩尤所窟穴平時淺波歲九月九日先後數日常大風雨為化鹽之候彼二十里之聚各儲草薦木屑竹屬一切雜投狂風一夕作凍明日視之滿地其味甘鹹且潔始祭蚩尤之旗官收其半民取其餘無不滿志寧夏鎮城南北之三十里俱有鹽池其產不多官亦不禁不知于古何名河東邊外有荏馬紅柳鍋底三池以境外棄今鹽池之在三山兇者曰大鹽池在故鹽州城之西北者曰小鹽池其地曰孛羅等池最多皆分隸大鹽池其鹽不勞人力因風而生原額三千二百餘引弘治九年延綏寧夏二鎮輪招馬匹尋乃奏革正德初搃制楊一清奏如河東運司例每

引收銀一錢五分課增五萬二千引

潮汐

招遠楊太史觀光曰地之有潮即在人有天癸之說也潮之理每歲升降于二八二八為一歲寒暑之分每月升降于初八廿三為朔望之分每日升降于朝夕朝夕為晦明之分八月潮生而天交于地二月潮生而地交于天，交于地而秋冬，胎息之象也地交于天而春夏啟長養之象也天地男女一而已矣。辰潮溢吾邑人望城外如火蓋陰火潛然之謂也

南亂北亂

平涼府沙棠川出崆峒山之後峽匯于崆峒之東麓曰南亂金佛峽水循府川而東至龍音寺出與崆峒前後峽水
曰北亂詩注曰亂截水橫渡也平涼府志

王寧窮汭記

涇州諸生王寧記曰汭水記于禹貢廣韵汭音儒說文汭从水从内訓曰兩水合流之謂也又曰小水入大水之名質其實雍豫二州有崱名之者有通名之者崱名者以義也通名者以類也以類通名如會于渭汭東遇洛汭是也蓋渭自鳥鼠而東逝涇出筭頭而北來二水至高陵而匯于河經龍門東至豫州洛由熊耳東北入河既皆小

水入大水且兩流合為一以故不曰涇渭而曰渭汭不曰河洛而曰洛汭由是推之則凡諸州之水類于是者皆不拘于定名而得通稱為汭也以義崇名者涇屬渭汭是也汭在華亭城東三里乃兩水合流其北源西出小隴山之馬峽俗呼北河南源西出隴山之仙姑峪俗呼南河北河環朝那山前蓋山有古朝那山廟其西北有湫東去縣東三里而別稱為雨山南源環王母山巔有古王母宮東去四里別稱為儀山俗呼為回頭山儀州寔以儀雨兩山為對峙豁開如門故兩水合而東流名之曰汭也又

汭而

而

名為汭也汭匯為深潭名合水之北岍一臺高廣平夷荆榛瓦

礫錯雜相傳禹王廟也北陟雨山之巔遙見東南隱峰巒侵入太虛隴州吳山也沿汭峽石三十里皆斷崖推峽行十五里南岍有女神之廟扁曰抵汭一人呼底茹汭讀為茹孺同音廟東十五里至石堡汭北受柴抵水源出朝那秋山之陽而陰即涇水又東五里至安口岍牛心山南受武村水汭至是益大北有斷萬山自馬舖嶺柴即而來南有五馬山自石櫃寺武村而至兩壁削立巉岩百仞束汭于中雪浪湍激經行五里為屯城唐李元諒屯兵扼土番者也屯東為崇信川汭水益大深不可涉行旅皆袒而濟又東三十里北過崇信縣城崇信人曰汭水遠北又東

七十里東過涇州過回山乃屬于涇弘治戊午督學憲副虎谷王公
按涇州試諸生竣乃涉水登王母宮寧從行王公東眺曰北流而濁
者何水乎寧對曰涇也南流而清者何水乎對曰汭也公曰是禹貢
雍州屬涇之汭乎周職方其川涇汭乎昔公劉有汭鞠之即吾過豳
西行三千里涉一大河北入涇是何名乎寧曰靈臺之達溪也公曰
朱子注汭鞠之即曰豳地日廣也試且庶求之斯地有百泉乎寧曰
去華亭西北三十五里朝那山湫陰有泉
涇源乃百泉之有
溥原乎寧曰亭口靈臺之西汧陽隴州之北華亭
唐尉遲恭破突厥郭子儀破吐蕃之西原也李元諒開美田千頃號

曰良原今為溥潤源公又曰此與吳山南北乎寧曰正相南北公曰
必茲西去百里外有兩水合流者可謂之汭矣
亭至涇程一百三十五里果符公言還句
朱子注詩言汭水
出吳山西北者以名山而志名水窮汭之流也今遂謂出隴州者入
于涇今隴州乃汭入渭去涇遠矣且將置溥源于何地乎趙中丞時
春曰寧之論汭謂小水入大水是矣然達溪雖經流靈源出武村西
南遠門川諸水合良原靈臺諸溪以入涇皆汭也

禹穴

松潘亦有禹穴禹生于此其水皆丹樛李徐道荆親見向予言之
眉陳

公太平
清話

呂梁洪

萬曆癸卯鑿徐州呂梁洪得唐尉遲敬德所題名相傳孔子觀呂梁
非其處

鴈湖

廉州府城西北七十里鴈湖每秋冬有鴈游于其間為其罕故
名

月湖

寧夏衛月湖廣斥無水草遠望瑩然畢照俗呼稱古戰場也

醋溝

唐岑參詩鴈塞通鹽澤龍堆接醋溝郭緣生述
凡十里

毛成

海

陰司溝

襄城縣北四十里頽橋鄭莊公見母處有隧道在焉俗呼陰司溝

八功德水

南京靈谷寺琵琶街側有池云八功德水余常過之則酒按八功德
水見天竺國一清二冷三香四柔五甘六淨七不噎八除病

皇后水

武安縣西八十里太行山中有池夏涼冬温世傳宋太祖下河東將引皇后入晋陽后病瘡掬此水浴之遂愈至今人稱皇后水

武安縣志

冰柱水

宣府懷安衛城西南三十里虎窩山崖水出盛暑結為冰柱至隆冬反釋

瀘水

諸葛孔明五月渡瀘水即黑水非瀘州

色黑故曰黑水黎

古志孔明南征繇今黎州四百餘里至兩林蠻

庫斐

程至雋州十程至瀘水瀘水四程至美棟即姚州也金沙江在滇蜀

天啟丁卯立秋日天台石梁下龍潭忽涌金錢三枚各重一两六錢面鑄太平通寶字攷縣志宋太宗鎮潭物也

呈羊

清池

滄州清池凍冰結花四散離披有松竹牡丹車馬人形等異狀詩云雨木日甲皆佇立結冰池上盡離披出周府博平王錦囊清池中蓮蓋取之研如泥凡繪画寫圖光焰勝金色

以上滄州志

化癭池

武安縣西柏林里有池周十八畝癭者飲之可化

珠池

廉州府城東南八十里有平江青鸞楊梅池雷州有樂民池俱產珠
明時率十五六年或十年一採始得美珠過者三年一採俱碎小藩
臬有司頗受詰責

嘉靖二年採珠至 二年復採僅隔十年海北道僉事翁溥嚴立採
法四閱月方才封用 銀七千餘兩除織造螺筐起蓋廠房夫役俱
役民不預造報者不下二千餘兩僅得珠四千餘兩所得不償所費
尚且碎小 區不堪二十四年九月又採 府胡鰲建義冒前

採納至今僅隔一年螺珠未生縱有一二生息 小無 反
虛費又改洪武廿九年詔採珠至永樂十四年始復採又至天順三

間一在武定府元江驛一在姚安之左卻據沉黎志孔明所渡當是
今之左卻瑟瑟一作風琶兩林今之邛部長官

愛陽河水

宣府愛陽河在炭山西北二十里本牧地深二尺餘下有頑水黑色
者數尺水上有浮草性涼宜牧馬其地生黃花大如錢人馬蹂踐萎
悴明日復生如新

石槽水

高陵縣清真觀在縣東南二十里吳村西魏文帝常過此有石槽圓
方不及二尋水常盈以飲隨駕馬千餘匹不減涓滴文帝異之主觀

者對曰臣有飲馬珠在內故水不竭頓首獻珠今石槽存

湏水

滎陽湏水湏音會今寫作須讀作需訛

粉水

粉水源出房縣蕭何夫人于此漬粉鮮潔異常

鶴川水

雲南鶴慶刀劍取麗江之古宗鐵濯以鶴

丁刺犀屈之可以繞

指

龍潭

年詔採珠弘治十五年復採正德九年詔採珠則以為頻數矣嘉靖

五年詔採珠其年十二月大雨池水冰結樹木

以多凍

臣

夜有火光人皆異之九年又採十二

表此珠之所以少也

正德九年採珠樂民池無珠

蘇池

眉州三蘇祠有二池遇賓興蓮開並蒂必有登科者

舜井

舜井在歷城山下綠床朱縷婦子牽挽數十步不止也深十五丈左
圓右方或棄物于井則從西出

倒井

諸城縣北五十里城陽社井歌臥斜入如人倒攀而然泉甘冬夏不竭

聖井

卽鄆縣西北二十里聖井其水常溢遇旱取水祈禱有驗先期齋宿于廟次日詣城隍廟焚香告詞又次日與眾步迎城隍如聖井廟拜訖令嫠婦潔者七人各持新帚環井洗管
方水如飛雨火乃各
大教云東海老龍七個女刷子簌就下雨如是始洵
伐鐘鼓眾伏地號呼如哀如訴待新泉涌出取注瓶內仍徒步捧歸

朝夕行香雨後送水入井謝之 卽鄆縣志

丹井

四川德陽縣江干有許旌陽丹井江水城

山然不崩歲旱江竭

井温如故 郭子章蜀草

柳翠井

仁和縣阜亭山柳翠墓普濟菴有柳翠井

肅府井

甘肅、王府有井常涸秋子果熟以牲禱井泉溢煎果作紙味酸解渴化痰果盡復涸又酒泉倉無鼠 曹縣藍亞中集

火井

臨邛縣火井夜時光映上照民欲取其火先以家火投之頃許如雷
發火焰出通耀數十里以竹筒盛其光藏之可拽行終日不滅井有
二水取井火煮之一斛水得五斗鹽家火煮之得無幾也杜詩負鹽
出井此溪方正指是井蜀井大都艱于得鹽而此井獨易

鹽井

蜀中鹽井始于李冰大都竹井，形大如
艱其入之甚深其汲之甚苦水出山石澹上鹽
而淡出百丈而鹽出鉄釘漕釘刮簡吞筒得罷纖悉甚備不比晋齊
容竹也其鑿之甚
至五

燕取水成鹽之易也 四川通志

喜客泉

句容茅山喜客泉濶二丈深三四尺清

客至拍手浩嘆懽笑

泉底噴沫如珠串啞，向人浮出相戒默然無言泉亦沉靜

澹泉

海鹽尚胥橋北河中方丈許沸涌味淡盖海眼也或繩探之莫測土
人沈氏偶蒿中之反躍一木為梁又縣城西天寧寺有澹泉鄭端簡
澹泉本此

酒泉

東昌荏平縣西北丁家峒甘泉宜酒

肥泉

水經有肥泉如國地志有肥壘城其地在今東垣之境泉水詩曰我思肥泉茲之永嘆釋謂衛女思歸肥泉自為衛而來所渡水今此水當在邢衛之間予往經是縣泉水又不多見也但觀其土壤沃饒優于鄰境肥之名其以是與

陳棐廣平府舊志

膽泉

鉛山縣西七里銅寶山有貌平坑石竅中膽泉

汲鉄可

為

洞鄉去縣治七十里溝澮七十所取本地水積為池隨地開溝碎

鉄鋪之浸染色變鍛則為銅又德興縣北銅山下一名銅泉浸鉄數

日類朽木刮其屑鍛銅

福建上杭縣紫金山膽水池亦如之宋若

凡水可浸鉄燕鉦者

凡十一所古玩有水處曰膽水無水處曰膽土膽水可浸銅膽土可

煎銅

婆、泉

廣西慶遠府思恩縣北五十里有水常隱不見遇行人渴呼婆、則

涌出飲足復竭慶遠府志

燕泉

柳州城西有泉春燕來水盈秋燕去水平故何孟春尚書號燕泉

聖泉

貴州城西五里泉出石罅滙為方池一日百盈百竭弇州錄名百刻泉郭中丞子章往觀脩盈修竭偶雨集水溢僕夫趨歸言百舉成數也一統志稱聖泉長史劉汝楫記曰宇內名泉若湯泉火井瀑布鈞突諸類洎陸羽所品次靡可縷指特壤界色味稍殊而無潮汐惟漳浦蜡河侯官潮泉鍾山應潮連州潮泉固有期而其地頗海乃緣海為潮汐泉不得與也若池陽潮泉章貢女寧海鳳游荆門蒙泉柳州潮泉吾鄉龍邑潮井去海懸絕似與聖泉為伍

第彼潮候僅再至三至亦未有百刻消長別具一橐籥者則聖泉之靈且昇在別境寧復有此乎

喊泉

武夷山喊泉當製貢茶太守禱畢大呼天子要茶泉即溢復呼太守要茶泉復溢否則涸按何喬遠閩書建安縣御泉一名鳳凰泉一名龍焙泉宋上供茶取此深僅二尺許有暗渠通溪泉日夜從渠出而舊志謂喊之則出造畢則竭蓋神異其說以表美矣

鈞突泉

濟南府呂祖廟前鈞突泉三穴竝湧高數尺如隱雷蓋沈水下流也

崇禎乙卯三月濟南陷泉勢亦減

靈泉

岐山縣東十五里周公廟東西有靈泉相傳世治則出世亂則竭其出必風雨數日唐太宗二年出賜名潤德後復竭雍熙二年復出金末復竭元至正十七年復出其後仍竭明弘治十五年九月甲子雷風又作山澤震裂泉乃復出

溫泉

泉貴甘冽至于溫異矣又竝泉也一溫一冷猶也倏溫異之異乎博物志凡水源有硫黃其泉則溫或云神人所暖主療人

疾後周王褒溫泉銘云白磬上出丹砂下流乃知溫泉必白磬丹砂硫黃三物為之根乃蒸為煖流耳明廣陵御史

氣亦硫豈以雲雷之中而亦有硫哉蓋極

也夫溫泉亦極陽

所聚蘊隆如五行變化奚所不至蕭山之墟有涼澗焉可云其下有冷石耶愚深服其辨而溫冷變換又所未解政聖人之不論不議也概見一統志間有遺採偶彙之似終未盡

北京 順天府昌平縣西北二十五里湯洛山下有溫泉又東南三十八里湯山下有湯泉四時常溫浴之愈疾 遵化縣西北福泉寺山下寬平約半畝泉水沸出溫可浴 真定府平山縣西四十里溫

泉 阜平縣西北八十里湯池俗傳昔有吳王經此欲浴池水忽熱
王惡之旁即有冷泉噴出至兩泉一溫一冷 順德沙河縣西北七
十里湯山下湯泉可愈疾 永平府撫寧縣東北七十里溫泉浴之
愈疾望之熱氣氤氳 延慶州西北三十里佛峪山下有溫泉 保
安州城南十五里溫泉 萬全都指揮使宣府城東六十里湯池山
有溫泉愈疥癬又西南順聖廢縣東二里溫泉下流半里滲池 赤
城堡龍門鎮宣府城東
百四十里北鄉赤城寺側山 暴熱而流有一冷
泉浴之愈疾 雲州堡寶濟鄉暖湯一處出泉 十二眼
南京 應天府上元縣東六十里湯山湯泉六穴以煮豆穀終日不

熱草木灌之愈鮮茂劉宋江夏王義恭銘曰秦都壯溫谷漢京麗湯
泉炎德資遠液暄波起斯原 又府城東北四 水同一壑冷熱
相半熱可淪雞中皆有魚，交入輒死民 灌田一歲再熟

又府東南鴈門山上有溫泉可浴 江浦縣西三十里湯泉一名香
泉其泉有二相去 餘步南唐韓熙載記其泉能蠲除疹又溧水縣
西南香泉同 廬州府巢縣東北十五里半湯山有二泉一冷一熱
合流其初冷熱仍異數里之外始相混魚自冷泉觸熱則亟回名半
湯池 舒城縣西南七里湯泉冬夏常熱可以烹茶 英山縣東西
皆有湯泉四時沸騰不竭 安慶府望江縣菩提寺北司馬龍井冬

泉 阜平縣西北八十里湯池俗傳昔有吳王經此欲浴池水忽熱
王惡之旁即有冷泉噴出至兩泉一溫一冷 順德沙河縣西北七
十里湯山下湯泉可愈疾 永平府撫寧縣東北七十里溫泉浴之
愈疾望之熱氣氤氳 延慶州西北三十里佛峪山下有溫泉 保
安州城南十五里溫泉 萬全都指揮使宣府城東六十里湯池山
有溫泉愈疥癬又西南順聖廢縣東二里溫泉下流半里滲池 赤
城堡龍門鎮宣府城東
百四十里北鄉赤城寺側山 暴熱而流有一冷
泉浴之愈疾 雲州堡寶濟鄉暖湯一處出泉 十二眼
南京 應天府上元縣東六十里湯山湯泉六穴以煮豆穀終日不

補城東北陡岡前有湯泉余目驗之又
貴州石阡府城外溫泉浴之已瘰癧
此泉下有丹砂非硫黃也極難得

木半葉可瀉寒口皆有魚，交入輒死民
乃灌田一歲再熟

又府東南鴈門山上有溫泉可浴 江浦縣西三十里湯泉一名香
泉其泉有二相去 餘步南唐韓熙載記其泉能蠲除疹又溧水縣
西南香泉同 廬州府巢縣東北十五里半湯山有二泉一冷一熱
合流其初冷熱仍異數里之外始相混魚自冷泉觸熱則亟回名半
湯池 舒城縣西南七里湯泉冬夏常熱可以烹茶 英山縣東西
皆有湯泉四時沸騰不竭 安慶府望江縣菩提寺北司馬龍井冬

溫夏冷可以愈疾 皖公山上湯泉四時如湯可浴 徽州府歙縣
西北百二十里黃山第四峰有泉沸如湯常湧丹砂浴之能愈風疾
和州北三十五里平疴湯泉其色深碧沸白香氣襲人愈瘡疥 太
子泉即湯泉之一梁昭明太子常浴此 含山縣永興院半湯泉
山西 太原府定襄縣東北二十里聖阜山有溫泉龍朔中常賜錦
幡李冶有碑記 遼州東八里溫泉冬寒熱氣上騰五六尺 沁州
南一里暖泉隆冬不冰 孟縣北百二十
石中尤熱舊經云北齊濟南王有疾于此沐浴 其水南注潯沱
河一出縣東二十里名溫池泉 孝義縣西九十里高唐山之側溫

泉靈液淡、和氣如薰經嚴冬積雪不冰 大同府治東北火井南
北七十步廣減尺許深不見底炎熱上并常熱 凡以草覆之則烟
騰火發又東北去火井五六尺湯井廣輪 凡熱勢亦同以艸內
之皆沾濡露結故俗以湯井為日升井 靜樂縣東十五里北山下
石縫中溫泉流入碾河 蔚州府西三十里暖泉夏涼冬暖可資灌
溉 岢嵐州城南山下溫泉其穴數十引為水磨 永寧州城西崖
下溫泉湧出南流與川水合 寧鄉縣西南百里暖泉村其泉有氣
又名牛尾泉西北流入黃河 五臺縣東南四十里有溫泉東流入
清水

山東 兗州府曲阜縣南七里溫泉 沂州東北郯縣城西北俱有
溫泉 青州府安丘縣西七十里溫泉 登州府城南七十里溫泉
又棲霞縣艾山寧海州嵎山 福山縣西三里竒泉自石孔出味甘
冬溫夏冷 招遠城東二泉竝出一寒一溫 寧海州東四十里龍
泉文登縣西七里湯泉又東北六十里溫泉皆寒溫二泉竝廢 萊
州即墨縣東四十里溫泉烏墮輒爛旁有冷泉 遼東都指揮使司
溫泉凡六一都司城南五十里一城東南 上柳河一西南七十
里鞍山一曹庄驛東十五里一寧遠衛東南二 廣寧前屯衛東
北七十里

河南 河南府城南溫泉冬溫夏涼又新安渑池嵩縣俱有之 南

陽府城北二十五里紫山有水冬夏常溫曰陽 裕州歷山七峰

山各有泉冬暖 汝州西南六十里溫泉 卽東南流注廣成澤

可療疾唐武后常幸此有溫湯碑又有寒泉南流 汝寧府固始縣

西南山中溫泉其熱如湯其色綠 商城縣南溫泉能已瘍疾 涉

縣西北三十里溫泉今淤塞不存

陝西 西安府臨潼縣東南二里驪山溫泉下乃磬也秦始皇于此

砌石起宇漢武加脩飾唐時建溫泉宮 藍田縣西南四十里石門

湯泉 武功縣太乙山有水沸湧如湯可療 疾 鳳翔府寶雞縣

太白山下溫泉可治百病世傳清則疾愈濁則無驗 平涼府北城
之閭有溫泉即古柳河也深數尋溢出灌溉諸園圃冬暖不冰趙時
春平涼府志曰平涼府為川者二十而羸為泉而冬不冰者以數百
而冰者不與焉 鎮源縣鹽池東有泉冬溫又有泉可植蓮皆東入
高平鄉 隆德縣城東百步溫泉出石穴寒沍不冰萍草冬青下有
廢蓮池圍可二里 靈臺縣保山之陰溫冷泉半溫半冷浴之愈疾
靜寧州城東五十里有暖泉冬弗凍又城 里乾磴川有溫泉
延安府治南泉有七眼味甘冬溫夏冷遇大旱 溢不凍甚濟居
人 甘泉縣南四十三里溫泉山下有溫泉 陝西行都指揮使司

永昌衛城西南三十里暖泉二穴湧出四時常溫東北流入水磨川
寧夏靈州守禦所西南一百餘里山東滾泉 地湧出高丈許其
沸如湯 寧夏韋州暖泉在鹽池西南

浙江 金華府東陽縣東南四十五里夏山上有池冬溫夏冷 台
州府仙居縣東南二十里黃赤湖脩廣皆數丈水四時如沸夏飲寒
侵毛骨冬飲則如湯相傳宋時常有龍出沒云 桐廬縣北十五里
神泉冬溫夏涼病者飲之或瘥祈禱多應

江西 南昌府寧州西黃龍山下冷暖二泉同出相去數步 奉新
縣九仙山湯泉湧出道間一溫一沸 南康府建昌縣西八十里湯

泉愈瘡疾 廬山主簿山在胡郎廟南數里山下有溫泉穴口圍一丈湧出如湯沸冬日恒熱 建昌府新城縣東四十里溫泉有硫黃氣浴之愈瘡疥 撫州府臨川縣城西三十里溫泉中有伏石分為二流其陰水差寒其陽水常沸 吉安府龍泉縣湯泉凡三一縣西百里一新田院側一朱砂礮下 袁州府宜春縣城南三十里有溫泉，有魚投以生卵即熟 贛州府溫泉凡九在信豐者一在寧都者二在安遠龍南者三皆溫如湯而寧都 九江府德安縣三十里廬山下湯泉石池五南一池極熱手不可持 四池稍溫浴之有硫黃氣

湖廣 武昌府蒲圻縣南五里湯泉冬夏常沸 襄陽府光化縣南五里溫水河舊有一泉其水溫煖今河尚存 東湯泉中有朱砂 德安府應城縣北六十里京山有溫 青如鑑聞人殺則湯奮發其熱可燬雞又應城西五十里玉女泉其泉熱沸 隋州城西百二十里大洪山西北有煖水 蘄州城北百四十里泉沸如湯有硫黃氣 岳州府平江縣北九十里幕阜山有溫泉三穴 長沙府攸縣東六十里溫水泉冬溫夏涼又縣東百二十里有煖水石泉宜冬浴 衡州府萊陽縣平陽五都有二泉其水春夏溫和冬滾沸 永州府零陵縣溫泉 常德府桃源縣西北百二十里湯泉常沸又

有冰泉人曰陰陽泉 柳州興寧縣東北五十里石牛山其巔有雁池冬月溫煥雁常食息其中柳州城北二十里平地泉湧出如湯沫之愈疾 桂陽縣北三十里白芒溫泉冒風者浴之多愈 宜章縣東二十里溫泉池又縣西六十里有桃花湯其水冬夏常煖 四川 成都府新都縣溫泉冬月末至數里遙見白氣如烟 順慶府儀隴縣火井天寒焰從地出 叙州府富順縣火井 重慶府城西南百六十里溫湯峽泉自懸崖而下渾 寺騰沸如湯 合州東五里溫泉 夔州府開縣三潮溪冬熱夏涼 南溫井冬夏常溫 潼川府蓬谿縣西二百里官館鎮之北伏龍山下火井地窪若

池以火引之有穀隱，發地中少頃炎熾夏月積雨停水則焰從水上水為之沸而寒如故冬月水涸則土上有焰，石至焚其衣裾也又邛縣西八十里火井博物記云井深一丈以竹木投取火後人投燭井中火即滅絕不復燃 東川軍民府西南三十五里湯池水出石竇中熱如沸湯清徹如鑑 四川行都指揮使司溫泉二曰寧番衛城東百四十里曰越駕衛城東二十里四時溫暖可愈疾 都司北七十里熱水池四時常熱流入溪河合瀘水接金沙江 福建 福州府城東崇賢里湯泉味甘而性和熱甚硫黃氣謝肇淛五雜俎云吾郡城內外溫泉共十五處 汀州府城東四十里湯泉

興化府莆田縣城西南大溪中湯泉有三穴如井熱甚漢時胡道人棄丹于地水遂溫浴之多壽以上見一統志而莆田又錦江西桃源溫湯池又上杭橋西北岼溫泉潮退可浴餘縣搜附于後 南安縣城山溫泉有四三熱一溫 德化縣湯巔湯泉出焉 永春縣湯泉二一在湯 邊一在登瀛橋北 安溪縣湯泉六 大田縣湯坑湯熱可浴 沙縣熱水池其水夏冷冬溫 永安縣湯池六熱水口苦竹村池仕洋湯池溫湯池龍峰湯池 永溫湯二小拔湯長汀縣南何曰市湯泉周數十丈熱能熟生名無上泉又一在縣南安仁縣石竇湧出可溉田 清流縣溫泉三池溪蒿口北原可以熟

卯 連城縣溫泉 永寧縣湯泉三大洲湯泉其地中下洋湯泉出石壁李田湯泉熱能熟物旁有溫泉可以之和 龍溪縣溫泉舊西廂城址下 漳浦縣梁山南北兩麓各一 龍岩縣溫泉在塗潭社四時可浴一在小溪社熱氣尤甚 南靖縣溫泉四永豐里二歸德里一清寧里一 長泰縣湯泉二 平和縣溫泉二清寧里新安里 寧洋縣湯池

廣東 德州府清遠縣東九十里湯泉有石如錢出泉熱可熟物韶州府城東南五十里湯泉能熟生物每霜雪時泉氣上蒸赤魚時見人不能獲又曲江縣西北四十里泉有三穴四時沸涌可以芘烹

又樂昌縣東北四十里溫水冬夏常溫愈疾又乳源縣西北二里石
穴中溫泉又靈君山周山巔溫泉二 瓊州府感恩縣北七里溫泉
夏冷冬沸能愈風疥瘡氣 高州府溫泉三曰府城北一百七十里
曰信宜縣治南曰石城縣北五十五里

廣西 柳州府來賓縣西北一百里雙泉冬溫夏涼 象州東三十
里溫湯泉其水常熱可熟物 萬州城西溫泉

雲南 雲南府安寧州北十里湯池雲土 非一此為甲色碧如
玉可鑑 臨安府治溫泉每春暮郡人浴三日言私時疫又西北四
十五里及建水石屏阿迷三州通海河西嶧峨蒙自四縣俱有之

鶴慶府城東南溫泉每歲三月浴之愈瘡 麗江軍民府通安州阿
失村有溫泉 廣西府彌勒州西十里阿欲部溫泉 蒙化府
城南甸尾山下溫泉相傳蒙勒奴邏母亡 愈 尋甸軍民府南

五十里溫泉俗呼熱水塘 沅江軍民府城西北十五里溫玉泉石
間迸出如湯 北勝州溫泉二曰州城枯木村曰州南沙田村 馬

龍他即甸長官司北五十里徹崇山溫泉其熱如湯 金齒軍民指
揮使司城東二十里哀牢山下有石狀如鼻二泉出焉一溫一涼曰
玉泉又城西二十里虎嶂山下溫泉 隴州宣撫司湯泉從石罅出
為河熱甚

貴州 貴州普安州溫泉有二一在城東南八十里一在樂民千戶所西水溫可浴

水異名

芮水厓也芮之為言內也水之內曰隩水之外曰鞠韓詩芮隩之即隩與鞠同九臯九折之澤也水隩曰滹隩重甌也水之夷上洒下似之許氏曰岸上面平夷而其下為水洗蕩齧入之也水中高地曰坻水艸交曰蘆水會曰淥一曰水外高有坻

泉

棗林雜俎

營建

山陵

孝陵應天府朝陽門外鍾山懿文太子祔葬于側壺稱東陵孝陵後有小阜曰大山萬曆間金壇于玉立欲治葬以科臣論止空其穴後誠意伯劉孔昭葬其父蓋臣

孝陵享殿太祖高皇帝孝慈高皇后左淑妃李氏 妃 氏皇貴妃
孫氏皇貴人 氏皇美人 氏右碩妃生成祖文皇帝 氏皇貴妃

藍宮談遷孺木著

孝陵道中觀音閣後壁瑪瑙石高丈餘衡丈有尺光潤如玉出青龍山永樂間採置

長陵昌平州城北天壽山自紅門進御道凡二十餘里舊名東祚子永樂七年卜建賜曰天壽世傳燕山竇后舊居無據千峰萬壑周密嵯峨森翠後視高山數十重來跌斷明堂平澗羅城諸小阜尤密匝祔葬十六妃

獻陵在長陵右祔葬四妃

景陵在長陵左祔葬七妃

裕陵去昌平二十五里獻陵之西祔葬十八妃

茂陵去昌平二十七里裕陵西北祔葬十四妃

泰陵在茂陵西無妃祔

康陵去昌平三十五里泰陵之西九龍前松園繞其左

永陵去昌平十八里長陵之東南規制巍嚴如長陵而巧麗過之俱襄陽白石兵部員郎餘姚駱用卿所擇祔葬妃三十嬪二十六昭陵

定陵在陵大峪嶺徐尚書學謨議擇時通政叅議梁子琦等難之為輔臣申時行王錫爵所斥崇禎初尚書姚思仁督理多朽石寧無罪地脉哉吾寧陳與郊以給事中巡工言壽宮五室中三間待馭

四隅維以鐵索各大銅缸注油左右室通門待中宮及嗣帝所生母
升祔神廟閱壽宮自坐石室飲酒

慶陵

德陵石橋高不五尺長不五丈砌石無甚費而耗二十餘萬金享殿
寶城尤不費且陵地窄甚僅當兩山之脉在永陵左沙相距不百步
也蔣德璟云

德陵窆日石梁中斷不敢以聞諸陵明右

宗皇帝之陵稜

恩門內有碑俱無字閉以木柵

思陵在紅門西三里與諸陵隔河諸陵俱河北思陵獨河南即故皇

貴妃田氏園也

候氣室

順天府治有候氣室每立春先期五日表

天監習占候者二人

往設瑄實灰如舊法占畢還奏

槐廳

全州蔣相國冕治第南門外巨槐一曰槐廳

明德堂

天下泮宮俱明倫堂獨應天府學明德堂以宋文天祥手書故

梅熟堂

鄞縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐而三之一會稽禹廟梅梁張僧繇所画龍飛去者有梅核半可容粟一斗正德間盜失

六老堂

南康六老堂因五老峰祀宋守朱元晦曰六老

來玉堂

王元美弇州園中堂成適汪伯玉至名曰

董玄宰做之樓成適

陳仲醇至曰來仲

瞭鷹臺

南海子方百六十里殿旁瞭鷹臺、臨三海子渡以七十二橋

銅雀臺

曹瞞臺于鄴水與西門豹祠相近今水中

三臺址蓋銅雀金鳳

玉井云二臺久沉一臺址稍高

厄臺

陳州厄臺孔子絕糧處崇禎時流寇佯賚諸生其上圍斬也又遺厄也

主人臺

潁州東二里岳廟前元末每旦彩雲騰覆明興太祖常幕其上天下

大定雲散土人呼主人臺 潁州志

鶴臺

崇禎甲戌湖廣松滋縣得石碣晉羊叔子所書鶴臺二字

磨旗臺

全椒縣西北四十里宋將焦光贊結寨于焦山上營壘皆石砌高教尺圍可六里許東有搖旗北有磨旗臺常出甲葉鉄鏃之類石窖中米麥至今猶不腐 全椒縣志

梳粧臺

皇城北苑中有廣寒殿相傳遼蕭后梳粧樓成祖定鼎北京勿毀以

垂鑒戒萬曆七年五月四日樓傾梁上金錢一百二十文云至元通寶則樓初于元初非遼時物矣 張居正雜著

六相樓

四川達縣本宕渠故地洪武庚辰進士柳州曹嗣宗丞達縣修六相樓祀唐李嶠劉晏元禎李適之韓滉宋張商英嗣宗終廣東按察僉事

瑞光樓

鄞縣南二十里櫟社元末永嘉高則誠明避亂寓于沈氏樓作琵琶記夜按拍而歌蠟炬二枝相隔光忽交合遂名瑞光樓遺址存

四雨樓

姑蘇廣福山周天球治園有四雨樓桃梨海棠各栽一面謂海棠濕透胭脂雨梨花一枝春帶雨桃花亂落如紅雨其右臨水對山曰珠簾捲西山雨

朝天宮

南京朝天宮古冶城也後殿黃垣據高垣之上太祖常更衣于此俗傳墓其下非

鐵柱宮

南昌鐵柱宮東南隅方丈甃石作池四圍石欄鐵柱微露乃石耳非

鐵也陸儼山豫章漫抄

雙魚宮

錢塘洪侍郎瞻祖游江西玉皇山寺見工金魚八枚游泳必雙異而問僧謂僅四頭因登席聳視果然平視又如前僧曰此名雙魚宮乃旌陽真人所遺仙蹟遊覽志失載

白塔

四川白塔初來安縣北六十里白塔寺路通盱眙有磚塔一座雷擊掣其末三層在泗州境伏虎山今存半塔創始雷擊俱不知其何年月

鎮河塔

涿州桑乾河中以有塔名鎮河塔嘉靖元年塔崩內有古錢皆飛空如蝶自後河水不時泛溢 涿州志

應州木塔

應州佛宮寺木塔四層六簷八角高三十六丈遼清寧三年田和尚奉勅募建塔後殿九間通一酸茨梁洪武元年四月八日塔頂佛燈連明三夜文皇帝北征幸其上題峻極袖 以武廟巡應州題天下奇觀 應州志

按佛法佛菩薩塔高十三層辟支塔應十一層阿羅漢四層餘隨品級減之此八種塔並有露盤佛塔八重菩薩七重辟支六重四果五重三果四重二果三重初果二重輪王一重凡僧但焦葉火珠而已後世建塔不原佛制聖凡相濫 以至多

虞仲

太伯遜荆蠻自號勾吳從歸百餘家立為吳太伯太伯卒無子仲雍立是為仲雍傳三世至周章武王克殷大封同姓封周章于吳封其弟虞仲于周之北故夏墟列為流侯是為虞司馬貞曰夏墟在河東太陽縣據志書平陸即古太陽縣至唐開元始更今名其廟為太伯明矣或者謂太伯仲雍以次而傳至周章是為南之吳虞仲始受

周封于夏墟是為北之虞然則虞祖虞仲曷以廟太伯哉曰不然武王大封同姓周公于魯召公于燕叔鮮于管叔度于蔡及神明之後封止一國一祖而受二封者唯于太伯見也武王之意以荆蠻吳夷其禮鄙俚不足祀太伯而報其德再封于虞得處先聖王之舊邦且適中畿之地得用中國之典禮其于太伯之德庶幾乎報矣

明初夏縣王翰

平陸縣太伯廟記

姒女祠

平定州東九十里承天鎮俗傳姒女介之推妹也舊經云介山氏之廟唐武后幸河東道出祠下惧致風雨欲開道以避之狄仁傑曰一

人行幸風伯清塵雨師洒道何姒女之避遂止其後駐蹕祠下風停雨息

孟母故宅

榆次縣古城西南隅蓋孟子鄒人其母并人也其地有三徙鄉

蘭交

榆次縣東南四十里相傳蘭相如所居故里當秋深地無霜五穀登行人異之

姜女手跡

曲沃縣西南三十里侯馬鎮南河西堰中世傳姜女托堰哭夫手印

于壇至今土雖屢傾遺蹟猶存

殘苦廟

介之推從重耳出亡追者甚急之推以其子林代死重耳入晉之推妻及林妻尋推聞焚死于綿山俱投井死鄉人即其地立廟祀之曰殘苦廟在曲沃西閨外

瓜子纏

翼城縣東南五十里北陽坂下曰瓜子纏

乃老子食瓜處子落皆

成石瓜子其形宛然

大禹廟

龍門大禹廟俗傳食豕肉入廟必風壁画精工與岐山周公廟壁画並称

泰伯廟

平陸縣泰伯廟

南岳廟

衡州南岳廟古松百餘株銅香鼎甚巨不可圍抱銅鐘重九千斤則大祭則鐘聲先振

御題祠山廟

廣德州北五里橫山張真君廟明初高皇帝南征過之題曰天下英

靈第一山白雲為闕石為闕將軍幸得來瞻此暫解干戈動笑顏

江神廟

湖廣魚鎮江神廟有神木江夏賀相國逢聖歸楚木出于江蒼古挺
拔鎖以鉄索

白起廟

武安縣西關白起廟正統間縣丞李昇以起殺降挾詐遂毀其廟

長平驛

山西高平縣古長平也耕人常得遺鏃如綠玉長平驛即元平章賈
魯宅堂三楹梁柱俱素木甚巨賈氏裔猶存

煖鋪

都御史葉成巡撫宣府于沿邊孔道設煖鋪即唐人邊鋪也

鉄柱

雲南大理府趙氏東南九十里白崖城蒙氏建極十三年四月鑄鉄
柱名曰建極又鑄笠覆于頂土人號天尊柱歲貼金其上祭之邀福
與言書院

去陳州百里曰互鄉介項城上蔡間今更曰潔已鄉立與言書院

水廠

蘇州水廠十有六

問廠何為曰藏冰者謂伏兵也焚其五

始晤

魚骨橋

海門縣禮安鄉以大魚骨作橋長丈八尺有奇元至正中潰入江萬曆戊戌隨沙漲起呂四場民獲之廖令移建儒學前色黝黑有鐵釘痕毫無朽蠹揚州府志

廣濟橋

潮州廣濟橋宣德間知府王源建歲權

餘金

皇過此橋

崇德縣皇過此橋以宋高宗南渡過此故名見縣志萬曆橋北沈望

雲伐竹得磚堊石刻宋寧宗姑墓駙馬黃氏鹽官人始知為皇姑子橋

倒流橋

當陽縣北漳水上倒流橋相傳曹操追劉先主張飛據橋大呼水為逆流魏人不敢迫承天府志

萬安橋

泉州萬安橋俗呼洛陽橋長三百六十丈萬曆丹陽姜志禮守泉州修萬安橋得石刻曰同節來脩即公號也又鄞縣蔡錫永樂癸卯鄉試入胄監仁廟以學行授兵科給事中出守泉州欲修萬安橋發

石刊曰石頭若開蔡公再來檄海神遣醉卒自投于海若有神擊之者俄易書一醋字必八月二十一日酉時也事載錫家傳中今廟像皂服行人過焚草履一輛
福州臺江大橋長百餘丈

仙橋

雲南白崖州獨木橋十餘所木大如指長三尺或五六尺巖險不敢着足樵人捷足過之亦不損折其木非常之材每望夜一易不知其因明日但見新製曰仙橋

楹帖

直也如弦縱道邊夫復何憾此而得獸雖丘陵亦奚以為比願清

靜亦靜動亦靜五臟克消夫慾火榮亦忍

平生不履于危機

翟

徒有寸丹于帝闕竟無尺素達權門翟鵬

堂上雙親壽朝中一品家嚴訥

無毀無譽三代直道而行知足知止四時功成者退申時行

財不求贏敢為子孫益過位常隄分當思齒角難兼陸光祚

節義重丘山始不渝終不渝功名赴流水寵不驚辱不驚嘉靖二十三年沈立

教諭山
陰符鵬

世多君子扶皇極天放閒人養太和鄭神

偶爾謝上天富貴歸來作平地神仙中丞王璣

頭上青天一點浮雲淨盡庭前白日五更夜氣流行訓導楊傳芳子起元

天無私地無私日月無私風不出雨不出寒暑不出沈思考

得意常自笑無音使誰知鄧以讚

凡事再思可矣與人三反存焉都諫武安宋之韓

泌水樂飢讀天下書不談天下之事康壤生聖人世願為聖人

之氓朱鴻護

出入起居得罪天地時十常八九子弟臣友可對聖賢處百無二三

吳先生寓梅日乘

見放人而一笑自有餘懽念生平之所為亦可無恨李庭機

居深山中隨俗所使生聖明世與天者元標

少作書生未見升堂入室老為廟祝粗知掃地焚香李贊

養其氣以剛大尊所聞而高明李騰芳

試看堦前皆樹玉莫嫌腰下未橫金

天上圖書分冊府雲中雞犬半仙家王思任

誤攻文字身空老起販魚鹽計已遲陳元素

人前屋漏日裡雞鳴

每思于物有濟恒愧為人所容陳龍正

自拋官後睡常足不讀書來老更閒祝以璽

質在能還雅菴成可讀書先存一

鉄牛碑

濟南府儒學內有碑高三尺刻曰鉄牛碑、旁地露鉄錐不五寸就側四掘終如故或曰鉄牛鎮七十二泉者

宋文貞公碑

沙河縣宋文貞公璟碑斷沒土中正德丁丑縣令方思道冶鐵二百斤貫而續之今存不甚剝蝕

定霸城

保定有定霸城宋楊延朗所築金時以其他用獨其土存嘉靖中

霖雨潰其西北得人骨數十具植立土中鬪骸各戴兜鍪旁侍兵仗

石刻云活葉惰工百戶徐瑾一行兵役見者竦然長安客話

軒轅陵

平陽太平縣東三十里上魯村東汾河內有石棺以鉄束之隱現不同世傳以為軒轅棺云

顓頊塚

晉初烏程得顓頊塚又衡山崩見顓頊塚中有營立圖九首鳩杖見顏真卿石柱記濮州東北相傳顓頊建都于此有帝塚故名

絲墓

郟城縣東北七十里羽山即殛鯀處有墓

禹陵

會稽城南數里禹陵窆石高可六尺形如權堅栗色青而澤有白脉隱起甚細如絲絡偶撼之則動而不可括今戊子夏毀于盜三千年神蹟頽失其重聞者惋惜

唐堯土塔

唐堯土塔故里在臨汾縣城南十里帝姓伊氏故里名伊村，葉土堡宛然茅茨土塔之蹟唐堯氏陵在臨汾縣城東七十里部行里俗謂之神林人謂之神陵高百五十尺廣百餘步旁皆山石惟此地為平土深丈餘山後有河一道俗呼陶唐飲馬泉有金太和二年碑記相傳唐太宗征遼曾駐蹕此山因謁堯陵遂塑已像明嘉靖間知縣趙統重脩陵東原祀丹朱西祀唐太宗統撤太宗像每歲祭丹朱祔享升堯諸臣之上竊常攷舜巡狩于湘其陵在九嶷禹會諸侯于塗山其陵在會稽惟堯之巡狩不見經傳此陵為堯陵相傳自古無疑也然明初詔下訪歷代帝王陵墓山東，平州有以堯陵聞者

至今載之祀典而在臨汾反遺何也豈昔之搜訪未至耶抑詔下之日而臨汾尚屬元耶

邢雲鷺臨汾志

堯年十五封唐侯二十登帝位壽百十有八歲帝王世紀云堯葬濟陽城西北是為穀林呂氏春秋曰堯葬穀林皇甫謐曰穀林即城陽堯都平陽于詩為唐國由此觀之城陽即今之平陽也濟水出王屋山在平陽東南今之城陽晉尚屬平陽郡雖去平陽郡百餘里而臨汾東亢村所出有澧泉至今相傳通濟源

言夫豈無據况濟多穴

地伏流千載而上陵谷代遷焉知堯之時臨汾非源耶今堯陵在臨汾東南視王屋山寔合古之城陽西北古曰穀林而今堯陵俗名為神林尤一驗也後人乃謂山東平州濟水在焉而遂以堯陵名何耶

閔龍逢塚

安邑東北三里有雙丘相傳夏大夫閔龍逢塚土人云武安王其後裔云

齊桓公墓

崇德蔡新令臨淄夢貴人緋服傳騶而至揖曰公行去邑當以東壁遺金贈公晨起解舍東廡圯坎其地增岫中空如下天狀掘石版曰齊桓公墓規制深廣石室若王者之居屍色如生器具皆黃金旁金

山銀山各一蔡取其山燈缸將滅為漆油加菜不三月罷官崇德縣志按史記桓公屍虫出于戶安得云屍色如生也其厚墓或有之

衛靈公墓

相傳衛輝府治後衛靈公墓古有紫金碑雷轟之又觀成縣東南四十二里高宛縣東北二十五里亦有墓

雙娥堆

蘇州府承天寺門外雙娥堆為吳王夫差姬從孫武子學兵法為隊長笑而見殺此其墓也東北小池衡不過二丈長不過五丈乃錦帆涇故水偽吳張士誠所浴

李牧墓

平陽太平縣西五里孝子村趙將李牧墓其子李榮廬于墓側稱孝子墓

陳仲子墓

長清於陵仲子墓張令文龍命撤孔廟大羹一盂及棗栗享之長清縣志

介林墓

介之推子林墓曲沃縣南三里河底村

王翦墓

王翦墓富平東四十里每六月朔望墓若海市狀城郭依然車馬交

錯閔中塚墓記

鄭玄墓

臨晉縣三十里至今荆棘不生狐狸不穴

青塚

荆門州青塚土人哀昭君招魂而葬因名寔在大同城西北五百里
古豐州灘西六十里

孫嵩墓

安丘縣南四十里孫嵩墓元人于欽作齊乘寓宿太虛宮夢趙先生
入謁曰聞君修齊志僕有良友葬安丘其人節義高天下今在所無

也請載之以勵衰俗欽覺而語梅仲昇以為鄉人趙伯善共訪之伯
善愕然及閱趙岐傳始悟為孫賓石也齊乘

嚴子陵墓

尉氏縣東二十里蔡堡有嚴子陵墓

司馬遷墓

韓城縣南二十里芝水之南西麓有漢太史令司馬子長之墓，有
古柏墓土常開土人以柏根懸其棺因磚封焉子長自叙云五世皆
墓高門今去芝水數里又西北五里姚莊村有蘇武墓，柏俱南向

高陵

蘇州盤門外三里武烈皇帝所葬聖孫曰高陵妻吳夫人子長沙桓王
策皆附焉元至正二十三年岷山盧熊公武與同郡沈徵君伯熙父
訪之徵君因言予曾過此聞父老言地屬沙湖金氏墓上有木如虬
龍然每陰雨若見物探舟蕩漾之狀人或逐之不見尋伐樹掘地得
金船長二尺許其怪遂息

黃耳塚

松江府治南七里普寧尼寺有晉陸機黃塚機入洛有快犬為傳
冢間後死人義之埋此今殿西土隅有土隆起古木盤覆即其處也
明袁海叟詩養有恩終不背交游何事獨相欺

郭璞墓

唐乾符間衢州刺史季穀置若龍山得二石長六尺許取置文會閣
前宋淳化間郡守慎知禮移植于此積土峰歲久遂訛傳為郭璞
墓璞言五百年後太守為我守墓紹聖中郡守孫賁知非璞墓發之
得二石移置堂中宣和郡守高至臨復移歸故處相傳峨眉山西對
府治不利于郡故置此石以壘之因培土為峰而名以小峨眉云田
衡傳

太康瓦券

萬曆元年會稽倪光簡塚地中掘得杯及瓦券，曰大男楊紹從土

中公買塚地一丘東極闕澤西極黃滕南極山背北極于湖直錢四百萬即日交畢日月為証四時為伍太康元年九月廿六日對共破剪民有私約如律令

玉茗堂集

按今墓例買土立券古人已然矣

張賓墓

內丘縣南十三里趙張賓墓周圍皆鐵高三丈餘廣十餘畝石勒厚墓以報賓也

李太白墓

當塗李太白墓有祠葺如筆竹葉皆有金星

寶峰寺古墓

弘治癸丑春泰和羅鶴子應讀書城南寶峰寺見司禮少監胡善治掘墳寺後山得古墓有墓志僅元和四年數字明白棺槨俱無惟脛骨尚存其長過今人十三古人多長大者

世氣薄故生物短小

南漢劉氏塚

廣州城東北亭洲有土穴耕人梁臺過之投石空、作穀乃納以雄雞夜鳴知亡恙于是發之數金人各重十五六斤正處金像二冕坐若帝后各五六十斤他若金蚕珠貝葉之鏡一光照白日硯一硯池玉魚游動他珍異無算先携鏡歸光動隣舍急碎之隣人覺而往爭遂聞官盡搜之內棺掘毀稍存齒骨墓碑隱、可讀南海劉氏塚

也 陳子壯練要堂集

瀧岡阡

吉安永豐縣有瀧岡阡即歐陽公墓祖父處國朝 間忽失處落廣信永豐縣人恠之後又還吉安永豐縣時有謠曰吉永豐移廣永豐永豐二字適相同人民城郭依然是只少當年六一翁

蘇文忠墓

郊縣蘇文忠文定二公墓文忠卒常州常 郊之山移墓此後文定卒亦葬焉明萬曆甲申有盜發之縣令濟南張篤行加封樹焉去墓半里有廢塚石半露按之則文忠之曾孫婦亦掩之俄夢文忠青衣

致謝問文忠公何在曰臨汝至彼可相見也後篤行以事至臨汝會

得先生墨蹟一卷大異之恍悟前夢因識其事

郊縣志

蘇頴濱先生子遵守婺州愛其山水因筑 墓頴濱衣冠于蘭溪之

靈洞山邊子簡侍郎簡子林今其家頴濱遺墨及四代告身尚存

琴操塚

臨安縣玲瓏山琴操塚殘碣東坡居士書萬曆十七年被發

方臘祖塋

嚴州響山前為獅象石方臘祖葬處後毀其石

鐵棺

泰興縣南華廢寺有鉄棺長九尺二寸前濶後狹相傳宋建炎間薛慶常遣其徒撼之中有物相觸鏗然聲以鉄椎擊數百不損鼓鞞鎔之不液乃止 揚州府志

劉刺史墓

義烏縣南東平山有宋平昌刺史劉公墓隆慶戊辰長至日裔孫尚泰重修墓碑掘數尺見墳臺、上有碑方尺許刻晦翁卜墓教云天聖戊辰葬此丘蔭十八紀出公侯子、孫垂不替繩、武、永無休五百四十一年損十六七歲裔孫修戊辰戊辰新一石重修重修千八秋秘書郎朱熹書刊石呂祖儉為之記、難具載其要云右教

八句為卜劉公之墓天聖六年十月三日卜葬東平山先茔之原公諱豪字有閑裔出漢光武封太孫于烏傷國除因家縣治南遂為烏傷人逮晉寧公萬章始為王官唐曰珊者 林學士南門劉氏非他族比公以文學遷平昌刺史致仕曾孫輝燁同登乾道進士第游東萊晦翁兩先生門故晦翁卜其祖墓之蔭有裔衍家昌千載之久乎因識大略而納墳臺上以俟後日之驗云按天聖戊辰至隆慶戊辰年次良是而長至又恰戊辰仍孫劉公仕龍在宋贈武節侯脩墓孫果十六七歲吁數亦奇矣 義烏縣志

黃元菴墓

山東陽穀縣景德鎮有黃元菴墓其墓靈異土人患瘡毒插花于墓祭之即愈 中河志

蕉花女墓

長清蕉花女塚女最孝母疾思麥時未登女向麥泣移時麥黃奉母得愈今塚旁麥先稔田畔有御製碑上書孝經 長清縣志

張王墓

福建興化縣丁溪草堰間有張王墓相傳士誠父沿海民竈咸以正月望前聚禱因而彼此搆鬪勝則一年大利即至死傷毋許告訐近有司嚴禁之稍戢

孫一元墓

孫太初墓上有挂瓢堂墓碑李夢陽撰劉麟書

鄭曉墓

海鹽鄭尚書墓在甸塍山先是尚書執法削籍其墓從庶人禮隆慶初復官贈謚終不改其舊予常拜墓下嘆先輩素風也

邵灣古墓

壬辰春海鹽邵灣山祝氏宅後有積土坎之得古墓各磚刻曰永安六年歲在癸未九月十日造辟日造五官即中山義尉丹陽楊 磚面俱有雲雷紋穴頗深廣左右有羨門予往訪之始徵古製

虛糧塚

新野縣東三里近衛河邊亂塚相連數十傳聞前代屯兵之所曰虛糧

棗林雜俎

器用

研

蓋官談遷孺木著

王官谷西山有秦王研，大如碾盤無口，下如尖底磴。春秋秦敗晉師于王谷山時所遺者。司馬圖記見呂東野涇野集

潁州東六十里古夷陵也。舊志古列國之君立壘土，傳夷陵縣掘地得磚作研，堅潤。潁州志

俞侍郎士吉奉使得研上篆。永樂二年，旁書海東瀆璞。說楷

古鐘磬

太原交城縣西南汾水上金大定中汾東山岫崩得古墓有鼎十餘鐘磬各數十鼎大者幾三尺凡十有二其中寶物猶存鐘小者僅五寸許大者幾三尺凡十有二蓋音律之次後世之制以厚薄而此以大小其制度皆周器非秦漢以後所作今器不存而墓址猶在

琴

高陵魏氏唐鄭公之後藏有遺琴後訟失

呂涇野集

禮科公署有書室琴懸壁間係舊物李樂見聞雜記

正統末藉太監王振玉琴長三尺餘

四明沈嘉則豐對樓詩集云吳仲足携族子德望所藏銅琴示我為賦銅琴篇 九字蓋予生平耳目所未覩也青銅合體黃金相軫以白玉排雁行彈絲蜀繭啼鳳凰誰其作也 帝王按圖攷識題大唐壘文雙篆鳴玉方玄宗協律精宮商豈當在御樂且康伊昔抱至置我床青天拂匣開錦囊白日倏忽相低昂翡翠照爍琉璃光丹砂點漆流星芒纖指觸絃響煌、蒼梧飛雲頽不揚見者黯、頽而長延陵考國推大章裔孫寶秘什襲藏明珠大貝俱尋常荒墟對磧經千霜鬼神呵護不敢傷天地不得閱厥良復使人世窺虞唐我欲薦之登明堂九原誰再起師襄夔孔同室國祚昌皇帝萬歲永無疆

仙針

蒼梧人梁大用遇異人授以鉄針三枚并針灸書遂為名醫永樂中郡守羅觀訪其子孫得一針以進于朝

鉄塼鉄鑊

當陽縣玉泉寺鉄塔鉄鑊俱隋物青州城內

寺三鑊大者受四

十石次受三十石有釜受八石似甕而有耳寺原孟嘗君宅

金斧

臨潼縣南一里驪山綿亘而東五十里有金斧山石罅中有金斧抵之則動取之不出

石杯

青田縣五色石杯巧工琢造歲應上官不啻千百民甚苦之古人拔茶樹桑以茶且累民况石杯于器無益有製必有一害在司牧者念之耳

鐘

大名府譙樓鐘云魏太武物守潔則殼宏否則咽滯前守惡之棄置通衢且半裂樂護蒞任遭旱祭而懸之扣之不揚護不憚夢大眾誼于鐘所乃再扣之殼宏裂處尋平

正統中河決滎陽東昌水中大鐘二范縣令鄭鐸得其一款識永安

四年

曹縣城門四各有鐘相傳鐘懸則大水遂寘之崇禎戊辰四月盧令柱礎不聽懸之果大水乃撤

曹縣志

歸田錄太常所用王朴編鐘皆不圓而側垂後胡瑗改鑄編鐘遂圓其形而下垂扣之掩鬱而不揚今見南京神樂觀編鐘形不甚圓

鼓

鄆縣東鄉金尚書忠故居石鼓二萬曆乙未石中如虫噬敲翻視之石多蝕搜得石蟹一螯足尚動觀者異之

成化初韓襄毅雍南征大藤峽賊斬峽之大藤中空鞞草為鼓置參府前敲甚震丘使某移于行臺扣之無聲歸即如故

圓花鐔

崇禎元年四月湖廣通山縣三都水衝出古銅鐘重十八斤周製也有圓花鐔三字敲極清遠

唐鏡

唐鏡背有字云花發無冬夏臨臺曉夜明見鄭以偉山上山稿

辟塵鑪

錢塘縣西山龍井寺辟塵石鑪不知所自來近失去

張三丰食器

張三丰嘗居潁州迎祥觀遺像一食器一容斗許暑貯肉不腐混元衣一久而如新好事者易其領輒敗剋一質古有摩雲態

天啟改元

魏元法僧 蕭莊南詔歲豐祐先已用之又 和舊志元至正戊戌紅巾徐壽輝陳友諒陷江西下吉安奉和稱天啟則天啟之號前代已四見矣

銅法馬

萬曆間泰和人掘地得法馬形如月鑿十字重四斤天啟三年造背鑄吉安路郭尚書子章攷梁王琳立永嘉王蕭莊稱帝改元時不稱

吉安亦不稱路、自元始豈天啟間造法馬至元始續刻吉安路即貢金

楊升菴滇略曰語云金生麗水今麗江其地也其江曰金沙源出吐蕃經鉄橋寶山永寧北勝以達東川江澗沙泛金麩雜之貧民淘而鍛焉日僅分文售蜀賈轉諸四方其稅屬之土府漢不得有也朝廷歲貢滇賦金五千其直可四分緡皆蜀賈有力者先期受直于官而走四遠哀入之間有逝且死者累及姻族桁楊疊、至于黔巫瘴癘十死一生又不具論也

雲南銀鑛共六十有三置場委官歲約二萬緡然脉有盛衰課隨盈

縮

窖金

薊州獨樂寺額相傳李太白書萬曆間重脩得窖金上覆以錢石刻
唐安祿山物竝入官

銅冶

海內銅山四百六十唐鑄于陝宣衢信銅冶九十六宋鑄于諸路銅
冶百三十有六歲課至五百四十九萬貫韶州永通一監歲造八千
萬貫

紫石英

諸暨縣東五十里烏帶山產紫石英嘉靖中縣令黎秀命父老凡上
官來取者皆引至他所使無得因呈曰合浦之珠以吏貪而徙暨產
石英乃自本職到任教採無得此不職之效也採者以息久之遂迷
其處

紹興府志

鐵獅

滄州鐵獅周世宗北征契丹駐此地有罪人善冶輸金鑄獅鎮城贖
罪高一丈七尺長一丈六尺夜被州人捶去尾腹鉄至今缺之

銅獅

雲南都司公署前大銅獅二極瑩淨無黠班

關將軍印

景泰中安州二田夫得古金印曰壽亭侯印知州楊集上于朝

南宮集

弘治間河間張都憲汝器

開漕河于揚州得古印四一壽亭侯

印一鎮江府御前住劄都統制印一鄂州堯內觀察使印一都巡檢

使之印皆蟠螭紐制作古雅程篁墩敘政過淮陰汝器質之曰韓世

忠常為鎮江府御前住劄都統制岳飛常為堯內觀察使都巡檢使

亦宋官

萬曆末烏程沈相國濯得漢壽亭侯玉印、中空可貫紐下刻關羽

之印玉質蒼古捨西湖孤山廟中常見之

宋徽宗崇寧五年做秦壘虫魚篆作壘方四寸有奇蟠紐方壘上員

下方名鎮國寶

天啟四年九月四日磁州東八里臨漳縣務本村漳河北岍田夫邢

某見岍崩得玉壘以呈河北道張夢鯨重百二十兩方各四寸面厚

一寸二分縑紐高一寸八分篆受命于天既壽永昌是壘與至元所

獻不同豈徽宗十四壘之一乎又熊翀所獻陝西壘亦同

木牛

成化二十一年戶部左侍郎隆慶李衍提督陝西邊備兼理荒政發

廩賑飢作木牛取牛耕之耒耜易製為五曰坐犁曰推犁曰擡犁曰

曰肩犁可山耕可水耕可陸耕或用二人多則三人多者自舉少者自合一日可耕三四畝作木牛圖布之

遺印

永樂間應州掘地得金城縣印應州本漢館陰縣後改名金城縣今儒學舊縣治也

天順七年

得行軍萬戶之印

成化六年蘭陽縣得宣差副提兵之印尚書戶部郎中之印背鑄天興六年行宮禮部造

弘治十六年河南府得銅印三百于壞垣俱元物詔毀之

正德末銅城府得勒金長官司印篆文八畫

嘉靖二十年廣平府推官王堯日督民于清河縣浚城壕得古印六篆可識者二曰都將領印曰達魯花赤之印上之巡撫藏于庫

隆慶三年六月豐潤縣掘得玉田縣稅課使印

萬曆二十八年隆慶州永寧縣人築墻得古印為金左丞完顏綱物綱與元人戰于縉山敗績失之見金史

崇禎甲戌南昌得統軍元帥之印謂太祖物推官李嗣宗以太祖初稱統軍右副元帥見皇明通紀非也予按龍鳳年丙申三月我克集慶徐達湯和為統軍元帥二公竝至南昌必其所遺

戊寅三月十四日滋陽縣浚井得管軍萬戶府銅印旁鑄中書禮部造

龍鳳五年六月又薊州得古印

已卯十一月甲戌固安縣甃井得鎮遠軍節度使銅印背刻宣和四年十一月少府監鑄

籐船

南夷船俱縛以籐用松膠和漆塗之永安州歲辦松膠若干

張岳交事紀聞

空青

空青是黃石子大如拳諦視之膚裡沉、有青色匠氏以金剛錐、

之滴翠水如漿平湖沈太史長水見之

荒銀

南夷中多用荒銀

琥珀

萬曆甲午詔雲南布政司取琥珀二百斤一時騷然永昌府帑舊貯二十餘斤以上供搜括數年竟不能克而止民破家無筭

祖母綠

孕婦吞祖母綠易產仍出自兎手山陰白洋朱氏驗之

青鳳子

青鳳子狀如鸞石色甚青瑩婦人佩之能令好顏色新安楊不棄得
之水濱中易以千金內為禁中寶重

蓬萊閣石鏡

登州蓬萊閣石鏡遇形畢照崇禎壬申孔有德兵亂經火稍晦近聞
復明

緬鈴

緬鈴相傳鵬精也鵬性淫毒一出諸乳悉避去遇蠻婦輒啄而來合
土人束草衣絳衣簪花其上鵬覲之不置精溢水上採之裹以重金
大僅如豆嵌之于勢以御婦人得氣愈勁然夷不外售夷取之始得

滇人偽者以作蒺藜形裹而搖之亦躍但彼不搖自鳴耳 滇程記

棗林雜俎

益官談遷孺木著

榮植

古木

通都交區巨材連抱匠石積睨其下十不壽一谿谷昧深壠坻是阨木雖專其年民無得而稱焉亦未始幸也今採之往牒據其見存者或病以漏萬固所不免矣

北京 京師皇城内西苑之高玄殿古檜一松四並金時植嘉靖中封松指揮使其俸米專飯孤貧 皇城西顯靈宮之靈官祠古柏二

雷披一枝折而不殊二百年葱，焉國子監古松並元許衡植。京師外城天壇柏榆錢凡榆春錢天壇榆之錢以秋。山川壇堰松以風拔橫枝距地不三尺摺以木人通行其下。內城成國公朱氏園右堂古槐云四五百年物身大于屋半間頂嵯峨若山。極樂寺剔牙松數株斑剥若鱗大可六七圍。萬壽寺松高數丈大合抱。外城大慈仁寺報國寺姓松二其右尤奇幹數尺枝橫數丈。外城左安門外韋公祠西府海棠二樹高二尋游入最盛寺南觀音閣蘋婆一枝高五六丈花時鮮冶。京城西北十里靈通觀古柏一徑大十圍。京城外二十里承恩寺戒壇松二古穆天矯過報國寺。大功

德寺古木數十章半朽腐大可七八圍。石經山石壁古柏一長尺有咫根無寸土萬曆初上過之御書靈根古柏。盧師山清涼寺隋仁壽中盧師自江南來居崕下崕上一柏產石面長尺不凋榮是盧手植。西山妙高峰下法雲寺銀杏二大數十圍。香山鮑家寺有松十株皆數百圍。壽安山卧佛寺古娑羅樹二根盡出纍癭露筋石抱三人有餘。仰山隆恩寺松一。潭柘山京城西北八十里潭柘寺諺曰先有潭柘後有幽州則潭柘最古矣今枯柘長不能丈其枝晚發後凋者也柘枯而不朽。昌平州天壽山古槐相傳竇禹鈞家物樹中枵可布三四席今稱竇家槐按禹鈞周之諫議大夫也故居

在薊州城東而此槐係之竇氏莊或其餘裔耶 薊州西北盤山東
厓古松一一平谷城東延祥觀柏不知所自始元至正丁亥真人丘
長春至盤山過觀中見枯柏曰憐惜憐惜去後柏仍葉茂至今焉觀
東北十五里漁子山古傳軒轅氏陵或曰軒轅臺 房山縣北馬鞍
山松二其枝覆十餘丈 涿州西南十五里棲桑村漢昭烈帝故居
道右大桑高十丈層蔭如樓其蔭百畝其椹為珍餽桑側古廟唐乾
寧五年立竝立闕羽張飛像先主王者服張飛亦涿人城西五里有
張氏洗馬潭棲桑村南三里酈亭酈道元故居也 靈椿寺椿其影
日中天雖日月東西略不移動 文安縣城東靈集寺後古檜並峙

云漢人所植 保定縣柏塘有古柏數圍倒植河中如橋旅渡迄今
名柏木橋 任丘縣北三十五里莫州城又東北三里扁鵲墓有古
樹數株 寧津縣北三十里曹氏莊藥王廟前大麻子樹不知植于
何時嘉靖七年居民伐樹掘地下得石刻云迤南大麻子下斬蘆剛
剛蘆顏子也樹自戰國時已有之矣 行唐縣西北三十五里柏山
古柏大數十圍柏上鉄環相傳竇建德椽以繫馬者雞澤縣儒學一
槐有兩枝末合為一幹或以為連理 清河縣龍王廟左右古槐枝
幹曲卷下垂至地若龍爪狀人謂之龍爪樹宋太祖常避暑其下解
衣覆上其性遂下生其惡少輩利其財而伐之斧斤方加而疾作遂

止傷痕赤津，淋後斬生根葉，繼生成樹，無復龍形矣。今堂與樹尚存。開州古桑園可十丈云。三代物。陽和衛有武宗手植。

遼東廣寧衛醫巫閭山有北鎮廟柏甚古。萬全都指揮使龍門衛城西十里大松山有古松。永樂中駐蹕其下。

南京皇城西華門外舊丞相府有五穀樹一株，兼五穀為豐歉之徵。其年麥熟則樹發麥芽，黍熟則生黍葉，五穀皆然。魏國公徐氏

西園栝子松元時物。永慶寺即鉄塔寺古梅唐時物。鍾山西徐達墓有松一旁，結大球如衣，最奇絕。石灰山百法寺法堂前有奇

樹。弘濟寺府東北四十五里娑羅樹二，永樂中太監鄭和携自海

上。牛首山弘覺寺文杏一，唐嬾融大師手植，圍可二丈，經火猶活。

山東北鄭太監墓紅豆樹。祈澤山祈澤寺攝山棲霞寺各文杏二。

六朝時物俱數人合抱。溧水縣東南三十三里仙杏山其巔有杏

林，暨仙人跡。句容縣茅山有許旌陽手植檜。蘇州閶門外三里

半塘寺銀杏大五抱，新安潘之恒曰龍樹。陽山晉柏一幹如龍鱗。

大四圍。光福山茶一圍可六尺。銅井山顧氏園寶珠山茶一

可合抱。司徒廟古柏二又。文杏其一圍三人。洞庭山角菴

山茶一蔭，畝餘。四季秀發云。角里先生手植。又黃家堡古桂。常熟

縣虞山致道觀七星檜。梁天監中張道裕道陵十二代孫手植。今存其三。其雷

震風劈者尤詭異餘皆後人補植 華亭縣北二十五里佘山五代
朱承進墓有柏垂絲一株甚巨 華亭縣 北禪寺宋時回先生過
之手植樟于雲堂去後數年樟瘁回復造焉問樟公何在取瓢中藥
一丸瘞根下樟復榮葉俱顯瓢痕始悟呂仙也 亭林鎮縣東南三
十五里陳侍郎頤野王故居墨池旁古松云野王手植 鐘賈山壽
安寺陳氏墓垂絲檜二徑餘四尺崇鬱壯茂蓋數百年物 上海縣
西北十里靜安寺陳朝植雙檜于殿前宋政和間媚臣朱勳圖以進
徽宗欲携之暴風雷忽碎其一今殿右尚存元成廷珪詩香骨自來
生左紐苦心未忍棄前朝 明心寺縣西南六十里古檜二宋元豐

間植 江陰縣西三十里申浦季札墓有巨壽三人合抱產果曰雞
距子以形似名也止此一本又揚州 寺一本餘天下所無 宜

興縣保安寺垂柏連教抱而中剖 玉女潭縣南三十五里張古榨

一株根柯鬱蟠礪硯如石唐獨孤及詩日思瓊指此 善卷寺縣西

楠五里古檜蕭梁時物 鎮江府城西南七里招隱山招隱寺銀杏樹

圍五入云齊梁物 丹陽東北三十五里經山寺銀杏圍七尺相傳

晉時植半枯半堅遺子所生小株從中挺出亦已盈斗 揚州府城

隍廟銀杏一當門圍四尺 興化縣木塔寺黃梅初治殿賈人以木

筏載梅植殿旁胡僧坐其下忽不見殿成梅日盛偶一占年東盛則

上河豐西盛則下河豐俱盛俱衰亦各驗雀啄則有虫鼠之耗通
州治西為靜海廢縣之遺址有文杏教章大可四圍 淮安海州大
海中大松相傳三代時物其狀奇異 休寧縣西四十里白嶽山宜
宮古松一直香爐峰又石門一楠其大數圍 寧國縣廣教寺柏黃
蘗禪師所植寺有異行僧樹即開異花教色 銅陵縣五松山舊有
松一本五枝蒼鱗老幹 蕪湖縣儒學柏宋寧宗時植 滁州瑯琊
山城南歐陽文忠祠西一梅云文忠手植又瑯琊寺舊開化寺銀杏大教
十圍高十丈 豐山滁州城西南五里太僕寺公署雙柏大十圍高
教丈 全椒縣西北四十八里龍檜山有檜如龍形因名之 蕭縣

東南六十五里天門寺有天棗花寔如酸棗可食每四月七日其寔
皆熟次日遂空

山西 太原縣西南晉源神廟有古柏 皮黛綠云千年物 代州
城西四十里斷影壽漢文帝當迎立時猶豫不決逐日游移卧于樹
下日過樹影不移今壽已朽而其地建白楊廟即此壽也 夏城縣
南二十里柏塔山古柏千株有一柏琦塊磊獨大于眾稱曰柏母
如意里戒定寺古柏一其身五圍根盤八圍上九枝俱似龍形中空
處生一槐大兩圍枝屈曲于蛇盤旋于柏枝九龍之上 五臺縣五
臺山之圓通寺去三珠泉百步有七寶珠壽高二丈許幹上七枝復

合為一垂葉四下 代州東北五十里墓側有古柏五十餘株名郅
都柏 趙城縣東八里媧皇陵在侯村松柏圍二丈餘者百餘株媧
皇廟前古柏喬偉內一枝于榦中寄生一木大如臂俗呼為時節樹
柏貫四時彼獨隨時榮謝觀者竒之 猗氏縣城東北二里仁壽寺
大柏四株都御史何東序扁曰萬古凌霜 稷山縣東北十五里高
渠村古柏一大七圍蔭畝許有力者每欲取之輒龍蛇雷雨之變
蒲州東南三十里首陽山伯夷叔齊墓古柏二其一大二十圍高二
丈餘次殺三之榦上交相倚 聞喜縣儒學相傳為商桐宮地古柏
十數株其大連抱其枝扶踈多癭其葉細而稠大異凡柏 霍州東

南三十里霍山中鎮神廟古松數株高數丈枝東向槎枒詭怪如青
幢鉄幹 沁水縣東九十里礪山大雲寺白松三圍二丈 大同左
衛玄帝宮老榆盤鼎日藝日茂根無所繫挺生于大鉄爐之上相傳
為神榆 汾州府治西仙槐樹久朽如剝舟金皇統中有異人出貨
藥投樹復活因號仙槐 大同渾源州恒山之紫芝峪古榆數千章
其最大者名雙離樹相傳張果老所繫榆也 蔚州北三十里蜚狐
口兩山分張皆北向石搃無膚有青松高不數尺產其骨 應州城
南小石寺古龍松合抱平頂色極蒼翠相傳異僧手植蓋唐宋時物
又城東南文殊寺有古松霜皮蒼翠枝榦如龍 嵐縣北四十里雙

松山上有雙松 平定州西二十五里上有古松、下巨石盤踞數丈 靈石縣東三十五里綿山介之推與母隱此文公縱火焚之不出同母抱樹而死其壽名黃節唯此山獨有大小俱半榮半枯後人即其地立廟祀之天旱禱雨多應宋神宗封為潔惠侯近林人家清明節三日不敢舉火廟中有牡丹數本枝幹碩大不知何時所種每開時花皆紅色唯白花一朵開無定處土人密識其枝明歲即易他本人以為神不敢輕折春時花開四方觀者不遠數百里

山東 長清縣東南九十里方山靈岩寺古柏漢時物三人圍之不盡 泰安州北五里泰山御帳坪北一松奇詭元方煥題曰處士松

宋真宗駐蹕亭松二秦始皇避風雨其下封五大夫者也生石隙中不甚大幹膚龍鱗是千年上物 東嶽廟文杏一圍三人中空木枯枝葉蔽芾廟左漢柏五漢武帝時植四皆連理其一最巨 延禧觀唐槐一大如文杏亦中空半枯 新泰縣門內靈槐元省縣入萊蕪而枯後三十年復縣槐榮 曲阜縣西北八里孔子墓孔子手植檜在廟門北高五丈餘圍丈有三尺晉懷帝元嘉三年枯歷三百九十年隋恭帝義寧元年復榮歷五十一年唐高宗乾封二年又枯歷三百七十四年至宋仁宗康定元年復榮金宣宗貞祐二年兵火漸盡歷八十二年元世祖至元三年芽于東廡顏址間明洪武二年已已

凡九十二年高三丈餘圍四尺弘治己未被焚今直榦含生不朽不
摧子貢手植楷高四丈五尺圍一丈今枯莖中樹數千皆異種相傳
弟子異國人各持其方奇來種之不生荆棘縣東二十里防山顏子
墓石楠二丈可三四十圍每冢子生樹生一梯冢子沒奇枯一榦
郟縣東南二十五里嶧山孤桐夏禹時物久枯萬曆戊子其左生株
王思任過之尚檻其半崇禎丁丑唐鍾玉過之無存或以桐芽數十
纂之縣門外孟子廟古檜三高數丈徑十餘圍枝盤曲如龍 曹縣
定清寺有枯桐一僧伐之止存朽根萬曆辛卯有道人手持木尺禮
佛跌坐根上曰此奇由我再生索水喫之僧不願也夜半道人歌曰

木有根兮根無枝人有眼兮眼無珠我來枯樹活我去人不識人不
識真可惜上天下地游北極翻身跨起雲間鶴朗吟飛過蓬萊側明
旦起失道人所在越三日發萌逾月枝葉扶疎圍大五六尺許遂成
茂奇 陽穀縣西北四十里孟母廟大槐四宋元祐時植 恩縣西
北五十里四女祠漢歷亭傳清家富無子生四女誓終養同植一槐
今槐存不甚大或後人補植 臨淄縣西北二十里郵亭古槐十枝
高五尺許相傳宋太祖微時過此常掛袍其上曰矮槐 黃縣東南
二十里萊山寺西北有古木唐初物 棲霞縣濱都觀枯松柏相傳
每百年長一枝 即墨縣東南六十里勞山上清宮文杏二凸處可

隱二人

河南 鄆陵縣西十五里甘羅墓七棗環植皆合抱 延津縣

石婆東唐尉遲敬德造東嶽廟殿後酸棗樹一株合抱高數丈歲久不榮挺竝特立旁產一株甚茂云敬德繫馬挂策其上按延津古

酸棗縣也宋時改延津冢宰李戴有記 密縣東五里天寶宮白松

世傳黃帝三女九歲俱辭家學道後十七年歸省一夕同逝合葬于

此明年塚上生松一株三幹，白如雪大四十圍高八九丈膚理瑩

澤搗文隨起或曰民間女學道不成人仙去葬白松下縣東北二十

里修德觀古檜殺白松十之一偃蓋左紐銅文

密縣志

新鄭縣徑山

鄭子產祠前古柏一陳根之上多生穉葉青，可愛 滎陽縣東七

里槐一奇甚世傳漢高祖為王時繫馬于此金趙秉文詩滎陽縣東

千古槐人言曾見漢朝來不知幾覺南柯夢直到如今喚不回 襄

城縣南五里首山西巔有樹一株名金花樹俗呼澁壽大可十圍枝

葉濃蔚數十里外可望及之崇禎庚辰枯死或以此樹閱一縣之盛

衰戎子于舊根旁復生二株又縣北二十里徐君墓有樹相傳季子

挂劍處曰靈壽 林縣城隍廟銀杏壽圍二丈高七丈老幹扶踈翠

葉蒙蒙縣西二十里娑羅壽其蔭及畝今樹毀迹存 西寶岩黃華

寺古槐蔭數畝 覺仁院獅子峰其下漏天岩有異木折榦倒植野

人曰交加木 爭秀峰西慈明院偃松二 磁州黃花谷內仙女塚
大壽九後漢仙人王津墓母于此 輝縣西北七里蘇州山百泉書
院古白楊十四株大可蔽牛殆數百年物縣東二里道旁連理壽兩
椿两根一雄一雌下有雙塚微露其磚未知所墓何人西北七十里
侯趙川之平羅社為蘭相如墓有古銀杏一株 濟源縣西八十里
王屋山北天門古松十數 偃師縣達磨菴三花樹以凌霄藤附檜
而生六祖手植柏方丈寺古槐高十丈圍三丈宋文潞公詩五品封
槐今尚存第未知封何日也縣西北比干墓有木大三圍中空身根
半存上枝茂盛剖心之生氣猶存 登封縣北十里嵩山中嶽神廟

門內古柏殆二百 絕頂止三丈圍六人石刻漢武帝封大將軍次
圍可四人封次將軍又次可三圍俱怪偉明喬宇曰意天下之木殆
未有甲于二木者袁宏道曰漢武至今千七百年柏在當時已受封
殆殿周間耶 新安縣西二十里王喬洞、石皆土所成具木葉之
形洞上二木化石而復生枝葉與凡木類云仙人大丹成土木皆化
為石 郊縣城北十里溝古鉞期莊也山上一黃練係手植千餘年
柯葉茂盛人損之輒則重畜重則傷人 新野縣北二十里張門村
黑麓廟前古楊數株俱大數圍採青者伐樹血出遂止跡存 華山
華陰神廟門內古柏合抱無枝葉亦無膚理僅枯榦二丈餘吉水李

日宣勒石曰青牛老樹謂老子西來繫牛處也又北三丈許老柏空
腹有鳥唧槐實墮其中生槐榦且合抱而柏朽裂半存嘉靖間州守
某以鉄索合槐柏束之相傳張飛立馬看槐處見于壁刻

陝西

盤屋縣終南山老子紫雲樓下繫牛柏下石牛卧焉又南四五里
說經山古柏一俗說壽死老子針之活咸陽縣北十五里周公墓
模木其葉春青夏赤秋白冬黑鄠縣南八里淨土樹俗傳西域鳩
摩羅什憇此覆其履土中出此壽三月開如莢花八月結實狀如小
棗殼中皆黄土華州南少華山蒼雲嶺古松五號五將軍今四株

園教人高教丈成縣東柯谷唐杜甫侄佐居此所居後為寺有壽
祿子美樹涇州王母廟前有古木教株不膚而滑莫知其名空
同山中峰寺北半里古松六靈臺縣至定寺左離山唐牛僧儒別
墅有銀杏連抱數圍根結二畝鄜州北開元寺有白松奇古明張
著詩葉墮銀釵細花飛香粉乾山門煙雨裏渾作玉龍看安定縣
南六十里神木山古樹千株樵採不敢入人以為神又縣七十里高
柏山有古柏中部縣北黃帝陵橋多古木神木縣西十五里楊
家城內神松二涼州衛東三百十里松山上多古松莊浪衛東
百二十里大松山多大松又東北百里小松山

浙江 錢塘縣西山上天竺寺長生僧舍梅二竝合抱西溪永興寺
大綠萼梅二 海寧縣東北四十里洛塘故廟銀杏一圍三人唐許
遠手植華而不寔枝向西北 臨安縣西五十里天目山斷崖院塔
院大杉一又華蓋松高七丈中峰大師悟道處西南中峰塔院大杉
一本二榦化城寺側一松根在崖下頂高走路僅二尺許俯視如薺
蔭可三畝牧童戲其上不動觀音崖檀樹長丈餘懸崖外歷三十年
不加長下覆小觀音座僧云禱雨輒應 餘杭縣西南十八里大滌
山洞霄宮大杉二相傳唐昭宗景福二年閻丘先生以孟携自天台
者圍二丈高三十餘丈葉雖凋枝益堅徑山寺門古松 可蔭十畝

又木蘭一竝奇古 於潛縣南二十里牧嶺古松盤錯奇怪有兄弟
各欲訟于有司夜憇其下質明相顧而悔各息因名木長官 昌化
縣西北六十里千頃山龍湫西一娑羅壽初夏花開香聞數里 嘉
興縣東三十六里圓通寺銀杏二唐時物 海鹽縣城南永祚寺銀
杏二數百年矣天將雨輒出雲雨霽雲復歸又縣南十八里秦駐山
廟前飄松一斬而復生不由栽種董穀碧里雜存 歸安縣東 震澤普濟
寺古柏數千年物能為神 長興縣東南大雄寺陳高祖故宅也梁
天監中手植檜今中裂為四枝垂蔭半庭堅如金石鐵佛寺有六朝
銀杏壽 湖州天聖寺六檜云齊梁物 德清縣西南天寶橋西左

顧亭孔愉放歸處二大枯木可千年挺立不朽 吉安州鳳亭鄉岳

忠武將壇一椽奇大教園莫敢犯 紹興府天衣寺有舞松一株相

傳為晉人手植 高橋 有古壽一本五大榦倒卧橋側

項里 項羽所避處有廟古壽園二人 秦望山府城東南四十里

古松一 雲門山寺城南三十里 盤古社木大教園晉唐間物 曹娥江

府城東南七十里 曹娥廟古檜二又山茶樹千年外止如拱把之半根奇峰

折取一花者其手自懸于壽因勒石示戒 餘姚縣 九里宋石將

軍廟樟壽可數抱 岳林寺古柏 縣南二十里莢花額下有

大莢樹約教園 新昌縣南、明山月峽古松唐人植 天台縣桑

州驛古樟圍十人 天台山萬壽寺古杉十二各百圍相傳羅漢所

植 羅漢額古檜十餘大教園 歇脚寺牡丹二本高丈許每放五

百餘花 華頂峰石罅有木瓜花時一蛇盤其上至落實供大士乃

去號為護聖 資福寺怪松大教園高不過三五尺枝葉翔舞于水

面舞狀類鳳根盤類龍萬曆癸巳摧于溪水 天台山菩提樹相傳

西天梵修遺種花葉如柿結子為珠十百中必一二顆如羅漢佛頭

云他處所無也 楓壽額上古楓高二十餘丈大可數十圍其中空

可容數百人 永嘉縣象浦驛古樟圍十人 石羊山穴中枯木如

石羊色如黛赭 平陽縣西南昆山絕頂二古木冬夏常青 建德

縣橘山相傳絕頂有羅浮橘一株熟時風墜得者云仙山橋 桐廬

縣東五十里嚴陵釣臺崖上香木一株高丈餘圍三寸許歲長一寸

太監黃敬採買浙江一日欲犯之不能得 蘭谿縣 古柏明

太祖常駐師其下 黃湓大溪古檀一其大合抱高十數丈歲春夏

溪漲始發葉如漲後不葉必復大水 真覺寺後智者大師塔上松

不下數百年物偃蹇如虬龍 東陽縣南六十里淮岩山道旁有岩

可容數十人旁有連理木其大百拱 浦江縣東明山之梅花泉有

老梅如龍橫蹲其上 開化縣 銀杏一巨甚其寔從榦上

墮腫處剖出云胎生銀杏取其旁榦接他本仍實于枝 麗水縣南

十里白雲山麗陽廟古樟靈根千年不榮不枯柯萌時出殿外 雲

和縣大杉常緝圍之合十九丈徑六丈四尺遠望百里外

江西 南昌府孛應廟古槐唐崔隱士手植 翊聖觀二松相去五

尺合為一榦名為義松 西山咸通寺古娑羅樹其下貯樓三盈曰

枯木樓 許旌陽手植桂 建昌縣北五里冷水觀壽松一名掛劍

松相傳許遜掛劍于此甚怪屈宋竇慶初知縣曹幽亭其側曰千歲

靈根縣治南壽樟初邑人李左司公懋仕于朝高宗常問樟公安否

對曰枝葉婆娑四時常清項安世作壽樟亭記 鉛山縣北十里鷲

湖山唐義公道場手植羅漢松一 九江府城南二十五里廬山白

鶴觀大松徑丈餘山西大林寺寶壽二一如蓋一如塔葱鬱異常

德安縣崑崙山元陽觀牡丹根枝連抱云玉仙所遺彭澤縣南陶

狄二賢祠有山茶大盈抱二月三日祭時花特盛好事者分種之竟

無一活縣南四十里仲芳湖上狄梁公廟有柏八株不膚相傳公被

誣減死貶彭澤令囚三人值除夕許還家五日就獄其逾期者一喪

母一風阻事聞天后異而釋囚因率男女五百人祠之柏八章相傳

因劈餘枝所生建昌府城西南十里麻姑山殿後七星杉圍二三

丈高切雲漢橫列七株故名撫州府城東北清遠鎮禪居東山有

壽樟一幹圍三尋清江縣署古松五安福縣東三十里福聖院

唐仙女吳彩鸞來遊手植二壽曰羅漢柏歲花冬實縣西百里神楓

形如神面目歲旱封以泥則雨高安縣署有偃松城西南四十五

里集仙觀古柏三許真君遜手植有丹井萍鄉縣檀壽五客以六

十緡貨之將伐一夕生龍鱗遂輟縣治南寶積寺羅漢松黃山谷手

植萬載縣六里慈化寺普菴道場也倒栽松圍可三人根皆在

上枝幹下垂枯枝如鐵風霜不摧青翠欲滴墨潭下陂有六壽同

本各四五圍離立可置二席

湖廣武昌城西黃鶴山仙棗亭多棗有一樹半榮半枯云古仙所

植濮陽城東北大別山太平興國寺有柏俗傳禹治水時所植其

根盤曲直至百泉寺井下因名今柏根尚存 襄陽城南七里峴山
有晉柏其柯榦如鐵石 均州南百二十里太嶽太岳山古杉大十
圍者至成林 柳梅相傳真武神折梅枝寄柳壽上仰天誓曰吾道
若成花開果結竟如其言今樹存 華容縣觀音寺玉蘭壽高丈餘
遠望如玉山 荊門州靈鷲山祖師洞深數里有壽數株葉如冬青
實如红柿可愛名曰仙果觀音岬娑羅壽大二十餘尺 太陽山寺
娑羅壽一 東嶽觀銀杏二大合抱嘉靖三十五年伐其一 巴東
縣署萊公柏冠準為令時手植三株 岳州西南洞庭湖君山上崇
勝寺古銀杏大可數圍腹中半焦僧云此秦始皇火壽 衡山縣西

二里靖居岩有羅漢古樹 西三十里衡山絕頂有千年松 鄱縣
康樂鄉神農氏陵有二杉一榮一枯大數十圍高不能測根節如鐵
石乃異人所植莫敢剪伐又龍爪樟亦大數十圍 武陵縣德山寺
古桂二各大數十圍 寧遠縣南六十里九疑山舜廟北煉丹觀簫
韶祀林兩峰間有松穿石白而生枝柯拳曲如伏龍狀又沙樹十二
其大七八圍次五圍縣官某常鋸其小者大風雷死三人 沔陽城
北紫陽觀有三色檜宋徽宗常賜金牌曰圓通神靈老柏張耒詩亭
亭古柏不知年天寶以前舊耆傳 柳州城北柳江口曹王寨山其
巔有石若鼎在大罅中歲久石合兩耳出石外有柏壽生貫石耳中

桂東縣東五十里萬王城內富桃李就啖之味甚甘而不可攜或私藏之又夫歸路

四川 布政司公署故漢先主遺宮柏二百本堂前古桂一圍四入花時日掃數斛 成都城內西南江濱廟有六壽傳自隋唐高十餘丈圍約四五尋挺直如矢無他柯榦顛上生枝葉若棕櫚狀膚龍鱗而葉鳳尾實大于棗歲仲冬有司祭而始採諸葛武侯廟古柏圍四尺唐末漸枯不敢伐宋乾德五年丁卯五月枯柯復榮 灌縣西北二十六里灌口山有古樹圍八九丈上有寄生木亦大數圍云秦物土人稱紫柏縣南五十里青城山天師粟似粟而小獨房可治風攣

相傳張道陵手植七十株在上清宮牡丹高十丈歲周一甲始花 彭縣玄妙觀桂二四時清陰覆地十餘丈 西浦國寧觀大栴木蔭車數百仙人遠君手植 羅江縣吳氏堂有柏圍數十尺中空外曲若蒼龍狀枯而復榮 蒼溪縣東南三十五里雲臺山有大柏中空可坐數人亭其側曰魁柏 劍州西八十五里延福寺有巨木一雙羊白色時來其下近則香 廣元縣北張道陵祠有伏鬼井道陵植杖井旁今為喬木 梓潼縣北十五里七曲山文昌祠二晉柏大幾三抱 富順縣甘氏園木黃葛依石而生方條忽拱 永州縣有松化為石今尚有斷節及根 銅梁縣南五十三里已嶽山木連榦高

五六丈葉如榿楠花如菡萏出山則不植 重慶城東北二百八十里溪上有古木盤曲如交龍曰交龍 涪州荔枝灘荔枝十八株猶唐所進楊妃者今存其三圍可四人 夔州府治東白帝城之西有木如桂高三丈相傳公孫述樓柱斫之出血枯而不朽 眉州治西南三蘇祠古榆一相傳蘇明允故居所手植至榮茂文廟紫荆二宋時植 嘉定州治東九頂山兌說峰下大栴三株其麓清音亭異柏四曰葉細如剪刀扁仄如片曰垂絲如柳田蝟刺如毛 洗墨池松四偃蓋如車輪 海棠有香其本合抱 峨眉縣楠木坪石栴文杏各大數圍高十餘丈又山半有老僧榿初枯而中空有僧坐化其內

榿復活

大邑縣西八十里鳳凰山有紫柏十圍根盤巨石上號騎

鯨伯

邛州有變色木芙蓉花先白次練次緋次紫文宮花院有之

合江縣南五里榕山上有天符葉如荔枝長而有文如虫蝕篆不

知何木或以為劉真人仙蹟

納溪縣栴木洞二栴大不盈數寸高

丈餘葉亦扶踈雖千年如弱植

江安縣三清觀松二高十數丈

黎州安撫司廳東梨一高九尺圍九人州人取其枝以接菓相傳唐僧三藏游西域經此植梨杖云他日州治在此果如之城東十里龍池祠內枯槎三株如龍形觸之則風雨暴至

福建

布政司後堂有大森合榕樟纏生鬱然干雲曰嘉森堂 福

洲壺江在海上多烈風而白崖之上有椿一株翠蓋亭、榕葉槐身
經年無鳥跡雖風作不脫其葉三年結子如紅豆曰仙椿 閩縣東
十里東山之松塢有松宋初物錢昱題松身曰景致福神仙心幽道
亦玄僧閑來出世松老不知年 侯官縣雞籠山西為鳳岡竝種荔
枝大者十圍高三十丈皆閩王、審知所植城北百八十里雪峰山
蘸月池旁有古杉閩王、審知與雪峰大師手植皆數十圍又雪峰
道場有枵森藏樓三楹曰枯木樓 羅源縣山路旁石岩下覆古楸
虬枝蒼蔚其上石刻蘇舜元才翁所賞 永福縣東北 里方廣
岩徐君壇古杉高與岩齊仙人福州徐登東陽趙君炳競術君炳倒

植花林莊登埋棋子田中涌土成壑植牛杖其旁旋生枝葉今老森
尚存 晉江縣城北雪山宋時泉州治在其麓宋韓國華為守生琦
于此生時治前榕森悉花、如攀枝今樹尚在又城東鸚鵡山承天
寺塔植榕森絕無矢汚榕根盤鬱無復侵出石闌外者 南安縣西
九日山延福寺有無名木宋時木也而莫識其名王十朋詩一木蒼
然老更奇肯將名與世人知我來不具知名眼深愧平生未學詩
福泉山有徐道菴、前椽木合抱紹興三年水出其中或以瘡病
永春縣樂山東臺有橘一本橘實隨人取實袖歸即變蛇蝮人號東
臺仙橘 泉州城中承天寺菩提森一本大十餘圍高數十丈 建

寧行都司元平章陳友定舊署多大樟皆十許人合抱一樹中空可坐五六人槎枿下垂儼如岩洞不知為榭也城南三里開元寺瓔珞松二 建陽縣西北七十里雲谷道中有數松詭異石碣曰戰龍松朱晦翁書崇安縣圃宋令趙抃手植梅邑人碑之銘曰召有棠萊有柏清猷梅碑以石 浦城縣 村中銀杏一株古傳仙人擲森枝于上其枝垂下生每果熟樹自腫成大塊破之可得二三十斗多至石餘形視凡果差小味則同 尤溪縣西南百七十里分枝嶺界泉之德化上有大森南北分向分縣境 歸化縣羅漢寺有森名羅漢結子如嬰兒 莆田歸福平山鳳山寺前有大木乃甘棠赤榕槭樸三

木合為一榦蓋其初鳥食二森之實遺矢一森中若寄生然久之合為一樹矣輪囷蔽虧叅漢連午東西不見 仙遊縣楓亭驛荔枝森六枝皆參天味最甘 大旗山石瀨有一森婆婆如榕國有大故森輒先悴人名知國壽 漳州鎮海衛榕樹榦大如一間屋蔭三十餘丈 翠屏山之麓有大小二洞、口桃二株不根土壤對峙石壁上高不及三尺歲結碧莢數十顆 光澤會仙岩石斗岫上有朱莢熟時即墮人莫能得 平和縣三平山樟森云唐義中禪師初入山卓錫而立化而為樟今尚存 福寧州龍泉菴榕森其中可盤坐五六人枝稍寄生大可數十圍

廣東 城內光孝寺菩提壽梁天監元年梵僧智藥三藏自西天竺
移植今圍數抱高十餘丈經冬不凋葉之筋脉細緻如絹廣人每用
此為燈為花 南雄府城東三里三松臺其地隆然高阜上有松三
株蒼翠如蓋 潮州府治東金城山韓文公植一木今不識其名但
稱韓土人視其花之疎密以下登科多少去祠十餘步種之輒死有
題文公祠云韓木有情空谷暖鱸魚無種海潭清是也

廣西 桂林府南門榕壽一唐總管李靖所植歲久根蟠分而為二
貴縣城內陸續井乾和中刺史劉傳古植橘一株 慶遠府城北
山大岩唐仙人陸禹臣常手植菹榴于左各一又淨瓶植榕壽凡二

十四葉至今不凋 橫州馴象衛殷指揮園鉄壽高三四尺餘葉紫
黑葉小類石楠周年乃花、四瓣紫白色如瑞香累月不凋嗅之草
氣王濟日詢堂手鏡

雲南 雲南府城西南三十里太華山寺山茶八株高四五丈香閣
前古椿圍二丈蒼幹入雲千餘年物府城南昆明池山茶 安寧州
西岫曹溪寺曇花一叢相傳自西域來扶踈八尺綠葉白花移葉他
種終不復活 溫泉側有無名樹僅四五尺蟠根石崖四時不凋亦
不長楊用脩有瑤艸蟠千歲之語今距用脩百年矣形質如故不知
其何木也 江州縣北二十里雙龍鄉有古森不知其名春茁葉自

南則旱自北則雨自東自西則風雨時禾黍登四圍竝發則饑饉旱
澇驗之不爽亦不知昉于何代也 太和縣上閩和山之麓有森高
七八尺葉如桂花白色每朵十二瓣應月數遇閏加一相傳仙種更
無別本土人因其地名之曰和山花 白崖州 菩提奇高四
丈 臨安府 荔枝二森竝合抱 武定府城西五里獅山上
小池旁羅漢松一大數十圍霜柯幹鉄世所罕見 金齒衛城東北
八十里瀾滄江其南三十里有萬箭壽段氏時蒲蠻出沒經此過者
射其森以最勝之至今猶然高丈餘餘鏃如蝟刺
貴州金雞驛東十餘里松樹山石如臺高數千尺五松自漢以來

至今不改柯 馮元成集

談遷曰余輯古木在今者據地志及文士紀錄耳秦蜀閩粵滇黔
中地多深阻歷代採木輒致異材而徵文考獻自恨寒儉誠為寸
朽貽笑鄧林也

穀

秈稻宋大中祥符五年求之占城分給江淮間者耐早熟

江西建昌府產銀珠米宋時太守沈造常獻

金華香秈梁開平中赤松壇道士周 猷赤松澗西秈米于錢武

肅王曰此寔仙種三秋穗重香濃止五十區鼠則野狸逐之雀則蒼

鷹逐之王密遣張思敬往視果然遂賜紫衣錢帛

明初沿宋制歲貢香米三十石太祖曰吾訪知民間擇圓淨者用黃
絹袋盛貯封護進呈今後同秋糧送納不須歲貢勞民自此遂絕金華
府志

平涼者麥一曰西天麥苗葉如葛林而肥短末有穗如稻而非寔
如塔如桐子大生節間花垂紅絨在塔末長五六寸三月種八月收

平涼府志

襄城縣土產芒大麥米大麥亦可釀酒漢書揚州有莢花米即今秦
州紅也為下品

米豆雷州府思靈島出枝葉似柳花如烏豆一種之後數年生實淮
南子豆之美者有米豆

四川三峽產雲南稗一曰鷹爪稗以形似名亦播種畦植與五穀爭
植東南所無也

竹

杭州餘杭縣之洞霄宮竹葉採之或不露骨云無骨筍

嚴州越王竹聞人殺則縮入沙中

延平府劍津西山有朱竹數頃按朱竹世未之聞元時宋仲溫在試
院卷尾以朱筆掃之故張伯雨有偶見一枝紅石竹之句管夫人常

画懸崖朱竹楊廉夫題曰網得珊瑚枝躑躅篔簹谷明年錦棚兒春
風生面目盖画中朱竹不謂寔有之也

鄱陽人言山中產異竹高十餘丈其徑盈尺截而為筩往、得泉甚
甘山中亦多壽考陶安學士集

袁州萍鄉縣羅霄山晉葛洪修煉處壇生二竹風動如掃人謂之掃
壇竹又岳州平江縣幕阜山一名天岳山上有仙壇瑞竹同本異幹
隨風掃地名為掃壇竹

均州西南薤山孤竹三莖歷三年一笋每一笋甫成則一竹枯代謝
不已

茶陵州真仙洞有竹節長一尋徑數尺名曰雲英

衡州衡山萬年竹

廣州增城縣東南二十三里猊山產娑羅竹圍三四尺性至堅土人
取以為弓

惠州羅浮山有巨竹十圍節長二丈曰龍葱竹

平樂府平樂恭城二縣出筋竹可作衫充暑服

峽州宜都縣飛魚口產紅竹大者不過寸許鮮明可愛 有竹斜節
如龍鱗山園中間有之不多得

長韭

浙江象山縣東南百餘里大海中韭山產大韭徧地皆然
四川邑梅洞長官司南八里昔有人遺韭種山頂長丈許四時茂盛
民多食之

彭侯芋

福建連城縣蓮峰山產彭侯芋葉大如盤冬夏不枯過年子落崖下
人難取，以劑大亦不能熟舊傳彭侯所種

甘藷

甘藷俗名紅山藥也徐玄扈相國曰近年有人在海外得此種海外
人亦禁不令出境此人取藷麻絞入汲水繩中遂得渡海因此分種

移植略通閩廣之境俗名番藷蔓地生形員而味長甚甘山藷為劣
蓋中土諸書所言藷者皆山藷也今番藷撲地傳生枝葉極盛若于
高仰沙土深耕厚壅大旱則汲水灌之無患不熟閩廣人賴以救飢
其利甚大 農政全書

朱藷產呂宋國被野連山不待種植夷競食之萬曆中閩人移蔓以
歸種之數日即榮瘠鹵沙岡皆可植糞之加大泉人資以充飢何鏡
山先生喬遠有番藷頌

荔枝

弘治壬戌沈石田有白茆頌氏種荔枝成壽詩云常熟頌氏自閩中

移荔枝教本經歲遂活石田使折枝驗之翠葉茂然不敢信也以
示閩人良是因作新荔篇

按吳地荔枝難種往聞吾西湖馬太僕三才墓舍有荔枝樹垂實為
俗子伐去偶見沈氏詩後人獨不為繼美耶

龍眼荔枝二種廣東止于韶州至南雄則無福建止于福州至延平
則無大都近海之郡則生不近海不生閩俗女子將嫁男家先一年
送荔枝紅

獨本葱

馬湖府產獨本葱宋真宗罷獻

羅漢菜

南昌西山羅漢菜因靈觀尊者自西域持至葉如豆苗蘄州三角山
亦出雜以暈即無味

人參

遼陽東二百餘里山深林密不見天日產人參採者以夏五月入裘
三日糧搜之最難或迷徑斃人

萬曆中遼東李都督如松嘗餽某侍郎一本重十六斤形似小兒

姚叔
祥說

地黃

懷慶地黃蓋藉濟水灌畦而肥也不知密縣東北一帶旅生寔繁苗
時懷人用青蚨買去每斤直五六文耳計其所獲畝鬻十金而饒
密縣志

琪森

琪森垂條如弱柳結子如碧珠三年子乃一熟每歲生者相續一年
綠三年碧三年紅綴枝上璀璨相間產天台柏宮石橋等處

佛手柑

佛手柑一名飛瓊鈕洎母孫瓊與定夫人書此中果有胡桃飛瓊

薔薇露

薔薇露出大西洋國花如牡丹花露晶瑩芬芳襲人澤體膩髮經年
不減

大內瓜子

大內多異物歲一閱視出之于廷有瓜子長五六寸濶稱之不知何
地所產其瓜當大于屋此古來史冊所未聞也袁貴妃父佑記
王堂
薔記

文林郎

濟南文林郎果本草云出渤海如李如林檎其森自河中浮來得之
者為文林郎故云

不灰木

檀子經野火燒死根不灰色白類龍骨 諸城縣記

萬曆己丑春諸城東鄉人言廬山東麓岨塌出龍肉又云龍骨無數邑人驚愕後識者曰不灰木也其長莫竟滿澗皆是色白而軟非木也可以燃燈類于龍骨故訛傳耳齊地記曰東武城東南有廬水側有勝火木方俗音曰檀子其木經野火燒死炭不滅故東方所謂不灰之木也

君子壽

君子樹似松曹爽樹之于塔 廣志

木威

廣西宜州木威似柝欄葉間有寔穉生似椒攬廣東蓋號為烏攬邕貴間謂波斯椒攬其葉兩廣人用作雨衣柔韌密緻勝青油也

血壽

血樹似芭蕉葉如血根幹紫黑色高者七八尺惟雲南臨安有之

塔松

峨眉山塔松狀似杉而葉員細亦不能高重、偃蹇如浮圖山頂尤多

椿實

鉅野縣郊外紅樹一枝蓋椿實也與餘者不同 楊士聰靜遠堂集 椿木實香

可噉

陰陽柏

海鹽橫山崔孝廉培元家廳事前二柏殆百年矣左花右寔予聞而特過之真奇種也按陳繼儒太平清話南渡時高麗進陰陽柏二株僅二尺許高宗以賜王陶種之永懷寺高與殿齊每歲左花則右寔右花則左寔

紅豆森

南京牛首山東北鄭太監墓有紅豆森

順棘

長清縣豐齊鎮北古城棘刺皆順而不鉤世傳宋藝祖微行過此

長清縣志

猿草

山海經曰大騄之山其陰多鐵美玉青堊有草焉其狀如蒼而毛青花而白實其名曰猿服之不夭可以已腹病今亦存其名耳併美玉

青堊皆烏有也 密縣志

松羔

秦地松森彌望山中尤多其小者曰松羔以木称羔與羔羊之羔義

同 玉堂薈記

金剛纂

天目山金剛纂樹長不滿三四尺多屈曲雖春夏亦無葉每觸其枝
曳裾不前夷緬國有是種相傳剉其末以漬水必毒飲者立死安志

雲南大侯州產金剛纂其色青狀如刺桐性最毒

赤藤

赤藤產緬甸朱色可為杖

孝陵海棠

孝陵海棠獨結實外香中酸

指甲花

指甲花五六月間開花細而黃類木犀中多須蕊香亦絕似葉染指
甲其紅過于鳳仙稭含南方艸木狀胡人自大秦國移植南海日詢堂手鏡

婆壽木花

婆樹木葉如海桐又似楊梅花紅白色三四月盛開脩紅紫白諸色
叢蔭並蒂大可尺許出四川峨眉山

木蓮

峨眉山木蓮四季葢蕤若續

早金蓮五臺山出瓣如池蓮較小一圍而色如真金挺生墮地相傳是文殊勝蹟也

娑羅森花

天台山娑羅森花一名鶴翎出華頂峰以多經風霜不高大壽數十枝十餘頭六七葉經冬不凋花如芍藥香如茉莉唐天寶初安西道進娑羅森

唐婆鏡

唐婆鏡一名羞天花一名倒垂蓮本州所謂鬼白也其花背日與蜀葵相反

簷蔔花

牛首山鄭太監強墓有簷蔔花

滇茶

御史鄭鍊論滇茶十德色之艷而不妖一也壽之壽有經二三百
年者猶如新植二也枝幹高踈有四五丈者大可合抱三也膚紋蒼潤
黝若古雲氣罇疊四也枝條黝糾狀似麈尾龍形可愛五也蟠根獸
攫輪囷離奇可馮而几可藉而枕六也豐葉森沉叢茂七也性耐霜
雪四序常青有松柏之操八也次第開放近月方謝每朵自開至落
可歷旬餘九也所入瓶中水養之十餘日顏色不變半含者亦能自

開十也

昆明池山茶見吳人葛一龍四憶詩

玉女花

沁水縣韓王村玉女祠有樹每歲再花春赤秋黃人不之識張大理
五典載之縣志大理長孫都督道濬遂名之曰玉女花蓋今人耳目
短隘或他處有是花具其名未可知也曹縣青山之士神祠縣志云
樹古不知其名郝秀才元謂南人過之云樸也夫樸為下材猶隔于
淺識况其他乎孔林之楷子貢所植即吾鄉黃棟嫩葉可茹俗名茶
娘也予年五旬因過丹陽摘芽同舟人語及有省否則終其身不知

楷為何木矣

勞山白牡丹

膠州勞山明霞洞宮白牡丹本非近時物豪家匡氏移去而匡氏敗
有白衣人見夢于道士曰我今來矣果舊坎復蘖至今存匡氏之種
姜高相國記

延安府膚施縣南四十里牡丹山曰花原山多牡丹樵者以為薪又
縣西牡丹川牡丹特盛又宜川縣東二十五里牡丹原

沈萬三牡丹

南京都察院河南道署中牡丹單紅為國初沈萬三物

延州紅

延州杜甫川西三十里曰花原頭其山高五里輪二千里千餘年來
土人種牡丹幾徧至折為薪故名花原牡丹譜所謂延州紅也

海棠

大足縣古昌州也海棠獨香又名棠國唐有大足年號郡邑以年號
名者種、如仁壽崇慶之類郭子章蜀草

金蓮寶相花

南京雞籠山五顯廟金蓮寶相花一曰優鉢羅花開必四月八日至
冬而實如鬼蓮蓬去衣其核中則金色佛一尊

紫金蓮

登鄧縣嵩山法王寺紫金蓮開中秋一月云神光說法時從地湧出
移他處即稿

轆頂花

隨州大洪山有岩花菜轆頂花他方所無李維禎大洪山記

普舍毒

施州普舍樹四時開百種花惟覃氏子教歌舞其下花乃自落

素馨茉莉

陸賈南行記南越五穀無味百花不香獨有二花不隨風土而變謂

素馨茉莉也

特產

閩中紅茉莉蜀中紫繡毬楚中紅梨花燕中黃石榴天台黃海棠白海棠白紫薇碧桂花白玫瑰洛陽黃芍藥皆特產他地所無

益都方物記略有赤鸚芋止言可歲不言其花予里佃人偶種得花開以日中花成條若簇小粟香如蓮歲如百合亦若葵而稍淡先有臺如荷包之花綻而臺破見鄭以偉詩中

袁石公盛稱湘湖蓴菜美不知湘湖無蓴皆從西湖採去以湘湖水浸之蓴菜經宿則愈肥凡泉水湖水皆可浸不必湘湖也今人但知

湘湖之蓴又因石公言謂非湘湖水浸不佳皆耳食者耳見李流芳集中蓴菜歌

廬山紫芝

晁无咎雞肋集舊說廬山有紫芝田百畝人莫得見偶于開樓賢林中步兩日各得一枝正枝如玉云噫紫芝可植所少晁无咎其人耳

木瓜

木瓜出汲縣爾雅曰楸木瓜也衛人所賦木瓜即此

芍藥

灤陽芍藥芽代茗飲曰瓊芽先朝進御見黃潛集中

不出宮菊

宋徽宗藝菊有小朵銀色者不令分種于外禁中名曰不出宮菊譜所謂御愛菊也

菊實

盛弘之荆川記穰縣芳菊被岷水極甘美菊莖短葩大太尉胡廣恒汲引此水又收其菊實傳植京師穰今內鄉縣

楚寶

菊譜

趙浚谷先生時春菊譜序曰菊之為華冬培根春藝苗孟夏分植

夏而迄 夏再取其肄又植之終夏而止至秋大盛伐其條肄以培其花迄秋而大成初冬大發其美既欲其久存或苦覆之 幕之蓋終一歲之勤焉其名著于月令餐于靈均紀于本艸潭于南陽陶潛籬之杜甫叢焉幽人騷客率發咏至宋人譜之而大脩色之殊者或如墨或崇及尋丈色品繁阜宜隰及圃陳中者宜原野下者蔓延丘陵皆華而不實其植以根枝蔭之根成而暢乃見晚其白面內苞作筒外瓣單者香甘宜酌酒卻風羔養老壽杜甫詩所謂甘菊也聞以伏日而色紫紺結子即種而不根莠也號六月菊今吾郡及雁門西河高山多有之菊之贅也華之不植而灌樹者或萬數僅如大小錢

但可釀麪不足稱也受培植而藝工者子其身保其業翹然上生其
端有微葉乃參之而又子其枝保其葉脩然扶搖其端有微葉又參
其巨莖而伐其細苞參三以應陽九亦菊性也率以微葉冒端者為
微否即殺斜藝者必審于此故花大及二寸餘小者猶當十錢參三
之而不可過者或至再倍身洪大者如大小指可杖單者猶二三尺
高率及人肩菊之最盛者也糞必熟薄而亟敷均平之既以三五
日陽地以涼溉陰地以溫溉溫泉洪河之波溉最良，獸之腥尤宜
溉酪之陳油宜糞分植而未根芟宜陰或冒蓋之壽蔭之溉以葉舒
為微拳既溉之或以壺水如針孔者雨之俟可肄宜移諸陽皆上品

也其下者亦居陰寒冬除其霜霰或曰此北方平原法也寒甚失陽
上品花或疋南方炎州有雪乃開或至中冬大抵菊雖凌霜耐寒亦
稟中和之氣焉糞生米汁輒生虫腦麝六畜之賤藝工動作之疏率
能敗菊于法當除

黃中央土正色菊本黃上品大黃菊正黃金鶴頂黃幅赤心二品赤金

盤黃赤黃玉繡球黃淡黃鵝毛御愛黃俱干葉夾黃中品火練黃黃幅佛面金俱干葉

蜂窩黃一名金荔枝一名萬卷書葉筒幅單黃大金錢單黃金簪頂一名遠

嬌枝幅單纈黃下品硬幹赤南方火正色絳紅紫以淺深別也非如服之間色

也上品絳袍紅正紫紅鵝毛海東紅早紫俱干葉初紫晚作茄花色中品狀元紅一曰

舊朝服初紅晚 下品金眼回單紅幅 白西方金正色凡色白者皆靚

潔而香菊為甚皆可釀酒入藥上品平白雙幅黃 青心白千葉繖 白

鵝毛千葉 白蜂窩即甘 銀鶴頂單白幅 金盞銀臺單白幅 正粉色得

人之正色清且麗者也上品銀鶴頂紅繖 荔枝紅白繖 漸大粉息

千中品玉蘭友小粉息 虞美人雙幅粉 八月菊粉翻 八月絳窩粉幅

蘭

蘭有紫黃碧三種又四川霧中山產赤蘭曰冬蟬黃蘭曰玉蟬紫蘭

曰金蟬

宋末鄭所南画蘭不根土曰今日此土非我有也雖憤語而天台山

產風蘭鹿角蘭俱不土而活

宋政和五年正月密州產蘭彌漫山谷或附木石或出平地有一本

數十花層疊高丈餘五色咸備

蘭有蒲蘭線蘭各種保定縣志

棉花

潁州志紅棉花青棉花俱間產

禹貢兗州厥貢絲厥篚織文揚州厥貢島夷卉服厥篚織貝注謂兗

州宜桑織文者棉綺之屬卉服今木棉而織貝為木棉之精好者曰

桑絲曰木棉惟兗與揚之島夷作貢彰矣古之所謂綿者絲綿也古

之所謂布者臬布也故唐人税法每丁歲輸絹或綾純共二丈綿三兩輸布者麻三斤宋林勳作政本書匹夫之貢惟絲與綿非蚕鄉則貢布麻夫以綿而繫之絹以布而繫之麻則綿為絲綿而布為臬布也明矣元學士王磐序農桑撮要之書云木棉種于陝右輟耕錄云閩廣多種木棉紡績為布蓋木棉出自南夷西域宋元間始傳閩廣關陝至明時乃盛

茅

苞茅產沅江一莖三脊

瀛州青茅艸可為筆

河南新鄉縣魯包村仙茅世傳西域僧所獻唐明皇服之有驗至今江南人呼婆羅參

嚴州釣臺地止生白茅無他產即瑛詩乾坤留節氣艸木顯清風

仙草

雲南蒙自縣有仙草葉圓枝細其葉乾之一二年醮以泉井或氣呵之復鮮茂如故

不死草

柳州產苴草俗呼不死草狀如茅高一二尺食之令人多壽暑月置盤筵中蠅蚊不近物亦不速腐戰國策楚人獻不死之藥即此

真仙洞草

茶陵州真仙洞深十里許有艸一本枝高三十丈狀如芭蕉

觀音菟觀音燭

延平尤溪縣之雙峰山生異草二種一如婦女束髮篋名觀音篋一如樺燭可灌油照夜名觀音燭

俱那衛森

俱那衛森高七八尺枝脆葉狹而長花紅根似玉簪花而小魯師建
閩中記南方花有北地所無者闍提茉莉俱那衛皆出西域盛傳閩
中北方雖植莫能活也

夢花草

綏寧縣產夢花草其莖如藤其花黃白叢條如線有疇昔得夢而遺
忘者紐之即悟見一統志嘉興包公剡先生汝楫令綏寧常訪之士
人不知也

虞美人艸

四川雅州和夷壩生虞美人艸歌曲其草自舞

羅漢繚

衡山天掌峰生艸兩莖相纏垂頭如柳俗呼羅漢繚

通靈草

成化時邑人孫漳守潯州斷藤峽有草名大藥治金創撲損神效
人珍之孫歸移種而萎弘治十年三月忽生後圃孫曰思之二十年
不圖復見名通靈草今不傳或有之無知其名者

相連草相離草痴漢藥

貴州清浪衛山間產相連草苗婦于高山長歌連日歌淫心蕩有草
飛來入懷置衣袂間令人相思欲死相離草投飲食中令夫嬾參商
又草名痴漢藥淫嬾以食其夫如醉夢絕無妬心

徐尚書良彥隨風錄

茶

國家歲貢宜興縣芽茶百斤內二斤上南京禮 六安州芽茶三百

斤 廣德州芽茶七十五斤 建平縣芽茶二十五斤 浙江長興
縣芽茶三十五斤納南京茶出顧渚即芥茶也近時僧大方製法剪
去尖末號大方茶按宋朱長文吳縣圖經續記茶長州縣生洞庭山
者與金時蘄州味同近年山僧尤善製謂之水月茶以菴為名也頗
為吳人所貴 嵯縣芽茶十八斤 會稽縣芽茶十八斤 永嘉縣
芽茶十斤 樂清縣茶十斤 臨安縣茶二十斤 富陽縣茶二十
斤 慈谿縣茶二百六十斤縣西南六十里宋寶祐間丞相史嵩之
治墓建開壽普光禪寺其山頗產茶殿帥范文虎因製茶局進貢元
明皆仍之 麗水縣芽茶二十斤 金華縣茶二十二斤 龍游等

縣芽茶二十斤 臨海等縣芽茶一十五斤 建德縣芽茶五斤
淳安縣茶五斤 遂安壽昌二縣各茶三斤 桐廬縣茶二斤 江
西南昌府芽茶七十五斤 南康府芽茶二十五斤 贛州府芽茶
十一斤 袁州府茶十八斤 臨江府茶四十七斤 九江府茶一
百二十斤 瑞州府茶三十斤 建昌府茶二十三斤 撫州府茶
二十四斤 吉安府茶十八斤 廣信府茶二十二斤 饒州府茶
二十七斤 南安府南康縣茶十斤 湖廣武昌府芽茶六十斤
岳州府湘陰縣茶六十斤 寶慶府邵陽縣茶二十斤 武岡州茶
二十四斤 新化縣茶十八斤 長沙府安化縣芽茶二十二斤

寧鄉縣茶二十斤 益陽縣茶二十斤 福建、寧府建安縣芽茶
千三百六十斤內探春二十一斤先春六百四十三斤次春六百六
十二斤紫芽二百二十七斤薦新二百零一斤按何喬遠閩書建安
縣鳳凰山之麓曰北苑所焙茶最知名曰社前次曰火前又次曰雨
前火前謂寒食前雨前謂穀雨也鳳凰山旁曰壺源曰沙溪皆產茶
之地而壺源為冠 崇安縣茶九百四十一斤內探春三十三斤先
春三百八十斤次春百五十斤薦新四百二十八斤 計天下貢芽
茶共四千二十二斤而建寧茶品為上宋元時所貢必碾而揉之壘
以銀板為夫小龍團明初以重勞民罷造龍團惟採其芽以進

自貢茶外產茶之地各處不一頗多名品如吳縣之虎丘錢塘之龍井最著及南宋蘇州茶額六千五百斤元無額明納錢三百十九萬三千有奇惟吳縣長州有之

成化三年奏准南京供用庫歲用芽茶坐派池州府二千斤徽州府三千斤葉茶徽州府二千斤蘇州府二千斤滁州府二百斤徐州二百斤廣德州三百斤

南京戶部志

四川茶園十株取一徵茶三兩茶四十斤易番人馬一李文忠以茶五十餘萬斤易馬一萬三千五百十八匹今茶課本色十五萬八千八百五十九斤係石泉建始長寧等縣并建昌天泉烏蒙鎮永寧九

姓土司辦納

陝西茶課今五萬一千三百八十四斤係興安紫陽石泉漢陰西鄉歲辦

陸羽茶經曰杭州下蘇州又下建州未詳郭子章曰今三州名甲宇宙豈山川清淑之氣當竟陵時未茁為茶耶

宋貢茶首稱北苑龍團而武夷石乳之名未著至元設場于武夷遂與北苑並稱今但知武夷不知北苑矣明朝不貢闔茶即貢亦備宮中澆濯甌盞之需貢使數費金抵京買而納之即間有採辦皆延平產非武夷也延平人呼製茶者曰碧監新茶下崇安令例置諸貴人

黃冠苦于追呼盡斫所種武夷真茶久矣

金絲烟

金絲烟出海外番國曰淡巴菘流入閩蜀名金絲烟性燥有毒能殺
人天啟二年貴州道梗借徑廣西始移其種葉似薤長莖採而乾之
刀批如絲今藝及江南北崇禎十六年勅禁私販至論死而不能草
也

經劫草

茶陵州雲陽山有草長三十丈一本千枝一枝萬葉百年而開一花
已開不謝陰卷晴舒名經劫草

茶陵州志

橐林雜俎

鹽官談遷孺木著

蹟動

獸異名

獸之異名者曰舍利能吐金曰龜岷能化虎曰彪白虎也一名素威
曰魑黑虎也曰曼蜒似狸長百尋曰象輿其背可坐曰獬胡似獼猴
曰飛遽天上神獸也曰萬、能知生死飲其血則見曰狷裏音如斲
木曰山獬其行如風見則大風曰辣、狀如羊一角一目曰吉量文
馬乘之壽千歲曰踈踢曰屏逢皆左右有首曰鵠蒼異犬也曰驚帆

者快馬名曰飛燕馬也張平狗亦名飛燕曰鮭鯨者一角羊也能觸
罪人曰倉光水獸也一身九頭善覆舟曰破鏡惡逆獸曰不來狸也
曰叩、距虛比肩獸也曰花鵲王鐸卑脚犬也曰天鹿即天祿純靈
之獸曰角端日行萬八千里曉四夷語曰齋幽隱獸也能辟災害曰
雞斯散宜生賂紂馬也曰荼首兩頭鹿也曰瞿摩帝牛也曰驪驥距
虛類曰蒙貴狀如猴而小善捕鼠曰贗者出大秦國似狗多力獷惡
曰虬蝮水獸也曰白灑踰輸山子皆駿馬名山子又名五明又名叱
撥曰野子即騰野也

禽魚異名

鳥之異名者曰畢方能啣火作灾曰駮鷺鷥雞也曰屬玉似鴨而大
曰鷓鴣似鳧而脚高皆辟火灾曰庸渠鳧也曰焦明似鳳曰帝江天
山神鳥也能歌舞曰鈎星衣毛為鳧脫毛為衣能收小兒魂魄曰鷓
鷓者出基山如雞三首六目六足三翼食之無卧曰瞿如白首三足
人面曰橐鬻者冬見夏蟄服之不畏雷曰鷓鴣者出小侯之山食之
不瞋目曰鴝者出女儿山雄名運日雌名陰諧曰鴝鴒離也曰鷓鷓
班鳩也曰嵩周子規也曰須羸鷓也膏中瑩刀曰春鉏鷓也曰鷓鷓
如鷓一名鷓鷓一名墮羿人射之則啣矢射人曰希有崑崙大鳥也
曰嚙啁楚鳩也曰螭螭即鳩也曰晨風鷓也曰博勞惡鳥即鷓也又

名伯趙曰商羊兩禽也曰鷦、比翼鳥也曰謝豹杜宇也曰訓狐怪
鷓也曰鷓河澤鳥相視而生曰阿濫堆驪山鳥也明皇取其殼為曲
又作鷓濫堆曰迦陵頻伽妙殼鳥也曰僧婆鳩也曰秦吉了能言鳥
也曰鳩鵲出條支國高七尺解人言曰乾莘鷓鷓也曰脰鳥燕也四
鷓山鳥也曰鷓鷃水鳥也曰鷓鷃即青鳥也曰批頰即鷓鷃也催明
鳥曰麋鷓九頭鳥也曰韓朋鳥雙飛即韓憑夫婦所化曰救金鳥魏
時昆明所獻吐金屑如粟鑄之可為器曰冠鳧石首魚所化水族之
異名者曰鰓鮎狀如蚪蚪曰鰓鮎有橫骨如鼻前所擊無不中斷曰
鰓魚如便面雌常負雄行曰蝟似蝦益人顏色曰鱣魚如圓盤口在

腹下曰三螻似蛙蛤曰蚌江似蟹而小曰蛭蝸小螺也曰蠟蝟腹中
有水母有智識無耳目曰龍鯉一角陸君曰文魃狀如覆鉢曰蠟蝟
大龜也曰吉弔龍卵也龍生二卵一為吉弔其脂治聾曰地甲龜一
名神屋曰芘羸紫色螺也曰活師即科斗也曰仲明鮪魚也曰鱣刀
紫魚也曰魁陸蚶也曰人魚魷魚也其膏可為燭曰水唐如小兒鱗
甲如鱗鯉好在磧上自曝曰元緒神龜名曰彭越海中小蟹也曰儵
鉢者浮陽魚也曰鰈比魚目也曰鱣鱣即烏鰂魚腸也曰鮪魚、之
生母也凡諸魚欲產輒以頭衝其腹曰印頰魚即東坡詩通印子魚
也曰禺、揚州魚也又名解隄曰沈虎、頭魚也曰潛鹿、頭魚也

曰奔鯨一名濁嬾嬾所化曰白髮魚出滇池曰妾怪魚也出博白曰
鯢如鵲而十翼捕之可以禦火曰燕魚也出福州曰螭蟹也曰百
足亦蟹也長九尺四螯煎為膠謂之螯膏出善苑國曰黃臘即橫魚
夜有光如燭雖為炙不滅曰骨魚鱈魚也一名忽雷能化為虎曰螭
螭傍海大魚其溺甚毒曰係臂如龜入海捕者祭之則出馮時可稗談

龍

龍生九子蒲牢好鳴囚牛好音螭吻好吞嘲風好險睚眦好殺鬮屬
好文狴犴好訟狻猊好坐霸下好負又博物志憲章好囚饕餮好水
螭螭好腥蠻蚺好風雨螭虎好文采金狻猊好烟椒圖好閉口蚺蚺好
立陰鰲魚好火金吾不睡皆龍種也

嘉靖初海門縣牛渚潭產龍無教傍崖近水處皆龍窟舟過其下亦
不傷人偶黃龍起楊氏射之中一目黃龍遂以楊氏舟挾真山巔迄
無害餘數十舟覆沒

嘉靖七年寶應知縣聞人詮以射陽湖水患奏開月湖試築紀功方
類地祇舉事二龍戲水上鱗角畢露眾惧而寢時大雨繞四野獨不
及工所咸稱其異以上揚州府志

南昌熊太僕 以比部即讞獄永平大雨三日雨中若列千萬炬
自西北至海及霽有大木三十長十丈遺永平城下土人曰龍王採

木教十年一見

諸城縣海邊人家有室女及笄者夏雨以手掬簷溜後右手拇甲內若有紅線寸許作盤曲之狀年餘不滅亦無所苦女伴戲而恐之曰得非龍乎明年夏雷雨女出其手于窓外忽震雷碎自從窓間起有龍出拇甲中騰空而去但甲分裂餘亡恙

沁水張忠烈銓以御史巡視隴右茶馬某地巨魚半露人鬻食之明日又半露仍鬻之日露日鬻旬餘大雷雨龍上昇而鬻食之家俱漂沒忠烈子道濬說

陽城縣劉村劉氏夏雨跣坐拇指掣動項之破膚而出長三四寸騰

雲頓長數寸丈指微痛不覺

張藐山先生說

峨眉山泉為龍穴游人至僧鉢盛之如蜥蜴尹仲曰此下方蛇醫何龍也僧指示首爪特異僧舍有碣昔有誤汲入釜中頃刻雷電大作晝晦諸僧不知所為老僧曰得毋煮龍子乎亟發釜出之立霽

伏牛山泉游人祈龍現形可三四寸鱗角蜿蜒盛鉢中云佛受記上

臨海王恒叔游記

曹縣苗家寺佛像指出龍繞三寸倏數尺首向佛歛忽透空教十百

丈赤光閃指今佛指痕存曹縣柳開宗說

平湖徐在中以工部郎中分司張秋張真人每過侍兒清麗徐時謙

之真人曰先生可自重此某地龍也不信命進盤水侍兒忽入之即雷雨

萬曆己卯行人謝杰使琉球航海颶風作大雷雨有龍三掛于舟上見其頭角一長年曰此來朝璽書急挾杰起書免朝示之即退

崇禎丙子沁水曲底村山崩露龍骨首如五斗盎角長三四尺齒廣寸許爪甚長人多拾之藏于家

龍三停九似自首至膊、至腰、至尾皆三停角似鹿首似駝眼似項似蛇腹似蜃鱗似魚爪似鷹掌似虎耳似牛

龍涎香出蘇門答刺國其國西有龍涎嶼峙南亞里洋之中群龍交

戲其上遺涎焉國人駕獨木舟伺採之每一斤值其國金錢百九十二枚准中國銅錢九千文嘉靖三十四年下戶部取香百斤徧示京師不得下諸藩司採買廣東購每斤以千二百金僅得十一兩進內驗不同姑存之亟取真者廣東獄囚馮那別的貯有一兩三錢上之黑褐色密地山夷人繼上六兩白褐色細問狀云黑者採在水白者採在山皆真不贗尋有密地山商再上通前共十七兩三錢五分次年進內辨驗是真許留用自後夷舶聞上供稍、按來定價每兩售百金龍涎之為用也入香合和能收斂腦麝清氣雖數十年香味仍在焚之翠烟裊空不散或言涎沫有三品曰泛水曰滲砂曰魚食泛

水則輕泛水面善水者伺龍出隨取之滲砂則凝積多年氣滲砂中
魚食則化糞散于砂積惟泛水者可入香用又魚食亦有二種海旁
有花若木芙蓉者春夏間盛開花落海大魚食之若腸腹中先食龍
涎花嚙入久即漲悶昂頭向石上吐沫乾枯可用惟糞者不佳

鱗

爾雅鱗者大蛇也鱗無角無足龍則具角足今織鱗俱龍非禮見弘
治元年左都御史邊鏞奏禁

蛇

京師禪柘寺

在西

有青蛇二歲四月八日僧函示大眾施錢手摩之

祈免死

梧州火山有蛇廟佛鑪上蛇時纏之大小不等少則百餘多至四五
百枚盜敢不服予蛇撫之是盜則噬否則絕不傷人

天啟初福清葉向高相國應召道淮陰苦清口涸禱于金龍大王廟
或作神語此地屬張將軍當問之若外河吾當護送夜果水漲達清
口是日蛇附于柁薄暮升柁樓忽不見相國勒記廟中

崇禎

大旱其縣有三蛇金背白腹長三四尺餘有司設酒醑祭

之一蛇躍上臺案吸酒盡須臾不見

陳眉公集

脆蛇出崑崙聞人殺即自寸斷人伺其斷鉗取之須寸各異處待風

乾入藥若少頃無人聲寸、動躍仍續而蛇也主治色勞以驚疑喪
胆惟此可續命本草方書不載 玉鏡新譚

石魚

蘇東坡曰倦游錄云隴州地名魚龍出石魚掘地破石得之多鯁鯽
之形鱗鬣皆具一如描画魚龍古之波澤也豈非魚生其中山顏塞
久土凝為石遂留形迹耶

萊陽聚溪出魚鳥石云魚淤沙中久之化石 文太青集

飛魚

國初杜侍郎寅彥正云有人航海得飛魚于黑水之陽其長二寸頤
兩鬣各廣長寸餘張為兩翅海風發作從波濤飛集舡上如燕雀既
止則不能飛意者爰居海鳥亦此類與莊生所謂鷗化為鵬者荒誕
也

五色魚

隴州魚龍水潭深不測產五色魚俗以為靈莫敢採捕

狼山衛魚

崇禎元年八月十三日狼山兵人喻棠布罾于港夕得魚可三尺巨
首細尾體甚重投筴箸中忽太息曰我游自海上乃受制乎棠駛之
即移蹄漸縮作鮒三其尾棠惧擲殺之

鮑魚

雲南百夷中有小孟貢江產鮑魚食之日御百女故夷性極淫貴賤俱有教妻山中又有彎姜餌一刀圭終身斷絕人道士人以飼牡馬不宦也 滇程記

鯢魚

四川通志榮經縣生鯢魚狀如鯢有四足大首長尾殼如嬰兒緣木弗墜

通州鱒魚

通州人葛原六魁梧豪使人也以布衣獻鱒魚百尾時用法嚴或阻

之原六笑曰爾不上食父母耶君猶親也庸何傷及至上召問之曰魚羹何如對曰臣未進不敢嘗也上大悅命賜酒食仍還其一曰勞汝勞汝其後歲進至九十九尾著為令

画魚

重慶府龍門山寺吳道玄画魚籃觀音池魚五色類籃中物相傳俛失之魚水頓竭既獲即如初 陳周蝶菴存稿

石花魚

保德黃河之鯉肥美甲天下產處僅三十里以食石花而肥曰石花魚

銀魚

寶坻縣銀魚每歲霜降銀魚自海沂流而上縣設六廠各魚戶百七十人每歲中官下廠督捕進貢七次

鯽魚

南京中貴 胡惟庸故府每歲于玄武湖中勅賜打魚三日名飯魚
徐州城濠產鯽歲貢一千四百尾以元日冬至分進留都南京後湖
灤州河並產鯽
西寧衛西五百餘里青海方數百里有魚皆負黑點一名畢禾羌海
漢末王莽諷畢禾羌獻西海地置郡即此

蛙

峨眉山天樂池中有蛙游人鼓掌則一鳴群蛙次第相和將終則一
蛙大鳴群蛙頓止宛然一部鼓吹

玉蟾

楊城李瑛從宦葭州署後圃見白蝦蟆甚大如瑩玉呼家衆視之已
失所在

蝗

蝗腹下有梵字自切利天梵天來西域作天坛穰之 酉陽雜俎
江中魚化為蝗而食五穀者百歲為鼠 述異記

螢蟬

環慶無麥秋大梁無螢無寒蟬然寒蟬螢北京有之矣地之異即冷使然耶李夢陽集

金蚕

無錫鄒迪光金蚕說略曰金蚕閩中有之形似蚕色黃其說不見于諸書閩人曰蚕所在有金焉或過而拾其金蚕必與俱之家若不令與俱輒營然緣足而上撲之復起旋撲旋起延及身手膠手掣足噴耳窒鼻兩目眊眩類無色澤四支百骸倘恍若失而死迴矣即不與俱而還其金亦由首企踵適然下地而不然者果死矣即已之家

必倍其金以嫁于道路乃出否則不出也而所居家日殺一人亡論親疎怨德觸之必死必其日所首觸者其毒蓋寓于飲食盤食間故閩人有不知而偶拾其金以歸及已知而苦無金倍送者或雖知而性貪以忍者往育是蚕云鬱儀樓集

蠱虫北海所無獨西南方有之閩廣滇貴延綏臨洮俱有閩字從虫謂金蚕也五雜俎

野蚕

夢溪筆談禹貢萊夷作牧厥篚橐絲史記作禽絲爾雅曰橐山采顏師古曰山桑之絲其勒中琴瑟之絃蘇氏曰惟東萊為有此絲以之

為繒堅韌異常萊人謂之山繭爾雅曰蠶來繭讐田樗蠶棘繭樂繭
玩蕭繭今萊陽之山繭細蓋樗繭也枚乘七發野蚕之絲以為絃殆
所謂椽繭而堅韌者歟文太青集

永樂時山東進野蚕絲製衾薦之太廟群臣稱賀今東齊山谷有之
與家繭等蚕月抗糧出蟻蠕然即散置柵樹上柵樹初生時猗
不異柔柔聽其眠食盡即枝相換樹相移皆人力為之彌山
徧谷一望皆蚕其蚕壯大亦生而習野處風日雨中不為罷然或傷
水曷畏雀啄野人飼蚕必架廬林下手長竿逐樹按行為之察陰陽
禦烏鼠其稔與家蚕相先後其穰也歲三收春夏秋焉蠶大者二寸

非黃非白色類土淺則黃壤深則赤埴墳如果羸繁食離綴木葉
間又或如雉雞殼也蚕食柵名柵食椿名椿食椒名椒蚕之小者作
繭堅如石大終如指在深谷叢條間不關人力樵牧遇之收曰山繭
繅不加染黥而有章敝不易色宋王禹偁小畜集曰野蚕自成繭綠
密為山細此物產何許萊夷負海州一端重數斤裁染為襲表云
讀是詩則知宋時未知珍也且曰裁染不幾于漆方竹杖乎

鳳尾

正德中武陵陳洪謨守漳州之三年海上田者見大鳥飛過遺羽一
于水涯長七八尺五采炫煥眾以為鳳尾來獻命藏庫中後鎮閣來

取谷以焚棄陳洪謨字宗禹弘治丙辰進士兵部左侍郎所著高吾詩集

碧雞

歙縣許文穆相國、孝廉時讀書宣城石山寺中偶見二青鳥飛鳴移時乃去僧曰碧雞也傳聞唐李翰林自蜀攜來者我明惟舒梓溪狀元一見因出所藏圖卷示之許作碧雞篇綴其後

雞足山異鳥

賓川州雞足山有金雞泉日有異鳥飲之鳥來必隻至二十隻而止四時皆然鳥無增減水無盈縮

石燕

零陵石燕相傳能飛、即風雨唐詩石燕拂雲晴亦雨是也謝鴻云向在鄉中山寺為學見高岩上石有如燕狀者因以筆記之石為烈日所暴忽有驟雨過石即衝起往、墜地蓋寒熱相激而迸落非真能飛也五雜俎

朱鷺

也 密縣志紅鶴大如舒雁羽白而朱鷺最濁食魚巢樹疑漢朱鷺此也

海鷗

正德末有鳥黑色大如象舒翅如舡蓬飛入長安門內大樹上啖人
鵝如拾蛆虫然數月方去人以為海鵬也

石鵝

萬曆七年庚子山東任城縣浚河于石中剖得二小鵝大如拳能行
動一老工曰三十年前曾得一

白蝙蝠

李太白集荊州玉泉山多乳窟中有白蝙蝠飲乳水而長生其大如
鵝

鶴

萬曆庚寅夏臣謨入朝偶見苑中五色鶴異之有詩

山東泰安州甘露寺林鶴受記每六月朔去十二月朔來巢

遼陽多鶴常千百盤空列仙傳所云遼陽鶴不虛也

淮安海州產鶴于濱海萑葦之區捕者深入必折葦記徑或得其卵
蒸置故處七蒸七伏因剖為杯注酒氣形而上如鶴

鵝

鵝有長水石故能于巢中養魚而水不涸鵝取礮石周卵以助煖氣

鵝鵝

弋陽汪少宰偉常赴中官席飯僅半甌香滑而膏異于常產問所出

則蜀中歲進其米生于鷓鴣每尾止取二粒放去來時仍可取也

鷓鴣

萬曆三年乙亥黃克晦北征道出九江同知洪樂卿告曰元年癸酉正月二十五日中使自西域取二鷓鴣歸一紅一白毛羽鮮麗蓋人所未觀者自言踰蜀始得之至楚而穆皇已賓天矣有詩紀感

沙雞

萬曆間京師市上有鳥大如鷓鴣毛色淺黃足五指有細鱗如龜紋名曰沙雞云自塞外至者其味亦似山雞五雜俎

沙雞西北邊鳥也虜騎教擾沙雞無止冬月薄暮群飛過都如風斯

陣後飛止江北食禾稼鳳陽守臣奏異鳥崇禎七年陳子壯南宮集

壬申沙雞入京每來必有邊警蓋古突厥雀也丙子楊士聰玉堂薈記入宣府舉朝未聞上從宮中傳諭本兵始知其事按高宗甘露元年

秋鳴鷓鴣群飛入塞人呼鳴鷓突厥雀南飛戎馬必至已而泥孰畝反至春群飛出塞多墮靈武間死視之無首後泥孰畝亡噫以古準今昭若左契矣

綠礬采雞

諸暨有貨藥毒人者問于鄺煖鄺曰汝欲其亟死乎曰然曰亟死禍將及身不若緩之使其人不知可自免也其人善之乃易綠礬與之

約數月始應至期又問曰汝欲其必死乎抑尚可解也曰吾昔者甚怒今稍解矣曰前與者綠磬也不能殺人姑緩爾怒耳其人悔謝而去是年母雞抱卵三日毛羽變五采頭距易狀徧邑人來觀曰鳳鷄也恐非地方利夜縱之長山上錢德洪有綠磬采雞傳

雞

雞昏鳴俗所忌也崇德曹廣遠思崇禎庚辰登第其家雞昏鳴詰朝捷至元氏長慶集云元和十五年奉宣令採同州雙雞五聯各重四斤頻年採取一聯不獲自臣到州詢問採捕人等皆云二十年採得一聯雞耳昨旬日之內併獲兩聯斤兩輕重悉符詔旨今同州雞

無聞止稱泰和雞萊陽雞

鴉

廣東無鴉又四川龍安府鴉至四月中有鳥群啄之鴉俱匿影華亭包長明守羅定所說

羅雀

桐城左遺直光斗萬曆庚子離館里許有白雀巢園飛集環數百雀江南老人指示土人曰此巍科之應左即登鄉榜飛去丁未會榜又來巢榜發又飛去後官中丞歸被逮公子往宿壽州居停誇言羅有白雀視之左翅有黑點仍庚子丁未巢館園者問其羅日曰三月二

十九日即中丞被逮日也為嗟嘆購之隨身至宿州羈宿公館未發中丞問狀曰白雀為羅命也夫緣其毛羽為虞人所損附歸善飼俟其滿縱之中丞父甚愛護七月二十四夜忽遇猫害中丞父慘然知為指揮鎮撫凶問果二十四日也

抵詭

衛輝府治前石獸曰抵詭說文云此獸其性忠直

桃拔

西域諸國烏弋有獸名桃拔一云符拔似鹿長尾一角者為天鹿兩角者為辟邪安息有大鳥爵其頸似鷹身蹄似橐駝色蒼翠舉頭高

八九尺張翅丈餘食大麥曾以大鳥卵獻漢即此鳥卵也條枝亦有
大鳥卵如甕大月氏出一峰橐駝謂脊上有一峰也

毗耶

瓊州臨高縣西市毗耶山有獸似犬里人呼為毗耶

裴休

峨嵋山有獸送客呼以裴休則應

騰豸

廣東肇慶府西北十五里騰豸嶺以產騰豸故名騰豸木猴類頭正方貌類人髮長尺餘嘗覆面欲有所視輒搖頭以兩手披之一名騰

豸

獅

天順中西番獻獅子道死獻其皮錦衣衛指揮僉事喜信使其人上書求通使開西域

西苑獅日食一羊西域胡人主之白布纏首帶衣綠支正三品料

鹿

南京靈谷寺太祖手書第一禪林鹿百十為群其懸銅牌者國初所畜

犬

雲南縣南二十里山木山寺有木犬貴客至木犬自吠

俗說犬豕獨產不利爾雅犬生三獾二獅三獬豸生三獾二師一

郭璞注豬生子嘗多故別其少者之名又致富奇書犬生一子其家三年內大發

羊

山西羊有八角至四角六角為常

松潘出六角羊土人云羊與鹿交故六角

白兔

虎鹿兔皆壽千歲滿五百歲者其毛色白萬曆中有船商自暹羅携

白兔歸閩售四百金每季而育其種日繁蓋另一類生即色白崇禎中浙直徧有之直三四金

鼠

詩相鼠有體人而無禮陸機云河東有大鼠交前大脚于頭上跳舞善鳴相地名按地志相州與河東相隣則知相州有此鼠詩人蓋取譬焉容縣開陽山周圍三里產香鼠惟經人行之路則抱蒿莖棘枝而死或樵牧者偶過之亦不能多得黃花鎮禮鼠色如貂毛淺冬聚榛實于穴作岐穴貯之多至三斗其榛實美好倍常山氓多掘取之鼠失榛實牝牡皆萃脰壽枝懸死若縊鎮將閔之雖厲禁不能止

麟

麟爾雅釋麇身牛尾馬蹄一角春秋所獲麟也大庶一角牛尾即漢武郊雍所獲麟也不角者麒麟宋仁宗嘉祐二年交趾所進二麒麟牛身象耳狗足魚鱗所食草木皆中國所無

豪蟲

山西經華山西七百里曰高山出豪蟲今平涼美高山六盤是也豪蟲狀如蠶毛似刺蝟而大可以為簪黑上白下甚美弩之能射物以自衛嘉靖以前多有平涼府志

馬

平涼苑馬寺主二監七苑馬政 開城苑荒熟地三萬六千四百七十頃四十三畝縱一百二十里橫八十里碑標九十二畝額軍七百人原馬并駒二千六百三十八匹

廣寧苑荒熟地二萬五千八百八十頃五十三畝縱五十里橫一百里碑標十五畝額軍五百人原馬并駒千二百五十六匹

黑水苑荒熟地萬一千六百二十七頃九十六畝軍民地相交碑標十五樹額軍二百七十六人原馬并駒一千四百匹
安定苑 七百匹

清平苑荒熟地二萬五千九百一十頃三十一畝縱七十里橫四十

里碑標二十二畝額軍五百四十二人原馬并駒二千四百七十四匹

萬安苑

武安苑荒熟地二千九百五十七頃四十三畝額軍四百四十六人原馬并駒千九百四十九匹

長樂監轄廣寧開城黑水安定四苑靈武監轄清平萬安武安三苑共地十七萬七千餘頃馬一萬四千餘匹牧軍三千三百餘人田重牧輕皮肉收銀三兩有奇按制先定州縣田稅後以隙地為牧本自相間嘉靖三十一年平涼通判嘉定陳應祥舉籍平固以北皆為牧

地民村落室廬皆廢為牧 平涼府志

滁州種馬每兒馬一匹人十丁田三百畝騾馬一匹人丁十五丁田
四百畝各領養外十丁養牛一隻額分犍牛抄牛每群一匹定價本
色馬二十兩折色馬十八兩 滁州志



